



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iosephi Ripamontii E Collegio Ambrosiano Historiarvm
Ecclesiae Mediolanensis Decas ...**

Decas Prima

Ripamonti, Giuseppe

Mediolani, 1617

Liber Decimvs.

urn:nbn:de:hbz:466:1-11209



I O S E P H I
R I P A M O N T I I
E X D O C T O R I B V S
C O L L E G I I A M B R O S I A N I
H I S T O R . E C C L . M E D I O L .

L I B E R D E C I M V S .



EQVITVR annus insignis pia libe-
 ralitate multorum, & incrementis Ec-
 clesiasticæ rei , nec minus noua sedi-
 tione ac tumultu , quo ad extrema
 ventum foret , nisi prava mortalium
 certamina Deus ipse propè in articu-
 lo rerum euertendarum ad pacem &
 concordiam adduxisset . Mediolani mos inualerat ,
 quo nemini , qui non fuisset ex Ecclesiæ Metropolitanæ
 Sacrificulis, ad eius Ecclesiæ Pontificatum licebat adspira-
 re . Eius moris , quòd in eligendo Velatensi habita ra-
 tio non fuisset, isq. nouus homo summum honorem stu-
 dio ac fauore plebis obtineret, fremere nobilitas, seq. de

LIII suo

suo iure deiectam indignari. Sed ea indignatio, & fremi-
tus ille, magis fuit specimen imminētum malorū, quām
vlerius ad mutuam perniciem exarfere. Mox inter ca-
lamitates, aut exhaustas, aut exhauriendas modica quies-
inceps, principium, & origo publicorum operum, queis
priuata munificentia, Mediolanensem Ecclesiā, vti tunc
opes habebantur, exornauit. Lanterius, & Guida con-
iuges queis cognomen à quinque vijs, ea liberalitate an-
te cæteros fuere, legata in Ambrosiani Collegij cultum
& amplificationem, & perpetui luminis alimētum pecu-
nia certoq. vestigali. Proximus hisce Auchifredus Fagna-
nus Diuo Matthæo templum, & veluti pietatis ac sancti-
moniæ certamē ciues animis imbibissent Anselmus Bal-
tianus D. Bartholomeo, quidam alius, cuius immiterio
nomen intercidit, Hilario sacram ædem extruxere. Sed
non diurna hæc Ecclesiæ Mediolanensi felicitas fuit;
nec paucorum religio commune malum auertit, statas
nempe seditiones ac tumultus, & discordiam exitiabi-
lem, quæ sacra profana permisceret, exemplis miseri-
mis, atq. Ciuitatē ferme vniuersam in Ecclesiasticos ho-
mines obarmaret. Guido Velates vti supra demonstra-
tum est non recte, neq. ordine, sed fauore Cæsaris ad
Pontificatum electus fuerat idq. causa motus implaca-
bilis extitit. Ac primò quidem intra certamina & iras,
fese continebat seditio, postea effrænem ad licentiam erupere. Namq. vbi videt Velates haud vllā populi par-
tim se pontifice conquiescere, palamq. omneis execra-
ti caput inuisum, præsenti submittere vultus, probra in
absentem iacere, ac planè periculum esse, ne sic exulta-
ratis omnium animis, auersisq. voluntatibus, aut petere-

TUR

tur ad necem , aut ex fastigio dignitatis exturbaretur ; indulgētia , & largitione pernitiosis artibus quotiescūq. parandę, vel firmandę potentię adhibentur , conciliare sibi vniuersos instituit . Conciliandi autem illa expeditissima erat via , si prius lenimenta Sacerdotibus dedisset. Is tunc ordo, quantum turbatis poterat rebus, pollebat authoritate, fecerantq. calamitates , & grauissimā Reipub. tempora , vt vnicum sibi præsidium in eorum innocentia , & Religione quisq. relictum putaret. Igitur Velates in horum obsequium intemperanter effusus, demereri quā singulos priuatim , quā communiter vniuersos, comitate inuitandi, vectigalibus Ecclesiasticis, & vbi quis aliquid peccasset, quā talibet dissimulatione, nusquam aduersus , nusquam memor eius personæ quam induisset, enī, vt dubios ac nutantes confirmaret, colligeret auersos , neq. quisquam omnium alio Pontifice plus fore sibi diuitiarum aut voluptatum arbitraretur . Hæc Episcopi lenitas , & indulgentia , quam corruptelam atq. tabem appellari verius fuerit, dissoluit omnem Ecclesiasticam disciplinam, eōq. deprauādo, & insicendo rem perduxit , vt haud multū abesset Clerus Ambrosianus ab impudico , & sacrilego cœtu . Neq. verò lubet nunc mihi recensere probra , & indignitates per quas eius inuitamento licentiæ Sacrorum hominum vita peruagaretur . Tacitus ea quisq. sibi subiicit depingendo cogitatione quicquid mortalitas audet aut concupiscit. Id ego aptius esse cōpendium putaui , quām si veluti cēsum agerem scelerum , ac libidinum , & eo spectaculo meq. & alios conturbarem. At reliqui populares offensi tali ciuitatis dedecore, publicamq. sicut erat, esse macu-

LIII 2 lam

Iam rati, si flagitiorum exempluni præbrent, quos prælucere ad modestiam, & virtutem oportebat ardescunt in Clerum vniuersum animis præcipuumq. malorum omnium cōcitorē Archiepiscopum diris omnibus execrantur. Illum igitur præsidem sacrorum, custodem omnium salutis, cælestis curæ Vicarium, illum quem penes arbitrium rerum suarum, disciplinā, iura, leges haberi passa sit vrbs Mediolanum, adeo væcordem & ambitione cæcum fuisse, ut corrumperet indulgentia Clerum, & dum priuatę gratię viam tērat, publicę dignitatis obliuisceretur. Profectò dignum esse, quē si nihil aliud, publica certe indignatio, publicus dolor coercent. Sic accensis & frementibus, veluti faces addidere duo homines, in quos tantum valuit inconstantia famę, ut eos annales alij sanctos vocēt affirmatione seuera inserantq. cēlo, plures onerauerint odijis & infectione tanquam seditiosa capitā, quorum contumacia & furore sit effectum, ut populus Mediolanensis tantum non ad sacri Ordinis internectionem cōspiraret. Fuere autem Arialdus & Lādulphus clarus vterq. sapientię studijs, & concionandi gloria, nec minus natalium splendore, diuitijsq. vnde spiritus ipsius, & ad contemnenda pericula robur animorum augeatur. Arialdūm verò præter hæc animi simul, & fortunæ bona, cæleste quondā de ipso præfigiū proprijs veluti stimulis ad omne decus incitabat Nāq. mater ipsius, concepto, nec dum edito partu, viderat per quietem cubile suum ea circumfusum luce, quæ densissimæ nocti solem quasi meridianum inferret. Ea lux postea narrata puero incitamentum ad omnem gloriam fuerat, et confirmata iam ætate diuinæ destinationis admonebat virū. Ita natus,

natus, ita instructus adiumentis, vbi Mediolanide prauata omnia, nihil antiqui, vel integri moris vidit, agitauit primò, vt sui capitis periculo Sacrificulos à Sacrilegijs, & pellicatu cæteraq. fœditate deterret, postea, verò subiit animum illa cura, ne, si gladiis ac furori sese temere obiecisset, abiret sua cædes in hominum ora pro Iudibrio, nec ullum effusi sanguinis pretium ferret. Nam, vt sua moueret autoritate quicquam, vt ve pudor ac verecundia subiret lymphatos & amentes, ne cogitandum quidem esse: Rursus in pulcherrimo Ecclesiæ vindicandæ munere ponere vitam, & ea tentare quæ conse qui præclarū foret, grande quamuis magni periculi pretium videbatur. Inter hasce fluctuantis animi varietates ac motus, fortè Landulphum Cottam est nactus, cuius ope certam aliquam consilij viam expediret. Is, loco, studijs, atq. sanctimonia vitæ par Arialdo, simul indignatione talium flagitorum cum eo recte compositus, & quia splendidum in Basilica Metropolitana locum obtinebat, tanto magis Ecclesiæ de honestamenta quasi suam cladem accipiens, angebatur item difficultate pari. Et obuiam ire, periculose, irritū, anceps, & quiescerre turpe ac irreligiosum arbitrabatur. Contraxit eos celeriter similitudo morum ac vitæ, coniunctusq. dolor in eadem causa. Itaq. communicatis inter se consilijs, & remultum agitata, rationem demum eam iniere, quæ media forer utile inter, & honestum, quæq. nec procederet in abrupta, & violenta, nec rursus attineretur indecora cunctatione. Partiuntur inter se munera, & vices in hunc modum, vt Arialdus Clericos eos qđ extra vibem pagatim lasciuiebant, suadendo, & monendo,

do, & hortando, Landulphus vrbanos mystas pari prudentia, & lenitate, flectere conarentur in viam, & si non ab ea prauitatem deduccre, quā penitus animis imbibissent, id assequi saltem, ut eos adducerent in sui verecundiam, eoq. aditu conuerzionis & pœnitentiæ locū aliquem in posterum inuenirent. Hoc ita diuisum inter eos munus, & hæ suæ cuiq. vices, alterutri vel optimie congruebant. Nam, & Ariałdus Cussiai in Canturiensis præfeturæ pago natus melius norat paganorum, & agrestium instituta, & mores, nihilq. fallebat hominem eorum quæ pertinerent ad tractanda ingenia, & animos eiusmodi; & vicissim Landulphus vrbanis vitijs vrbanus ipse aptior erat. Vtrumq. sui, & paterentur facilius, & cunctatius violarent. Ita II. Viri maiestatis Ecclesiasticæ paribus institutis diuersa in parte munus arduum aggrediuntur, plusq. toto in negotio difficultatis inuenere, quam animis præcepissent. Ridere plures intempestiuam sapientiam atq. Magistros morum importunos, mirari quidam, & intentare pericula, tum amicissimus quisq. suadere, vt cœptis talibus absisterent, neue laborem impenderent eō, ubi spes nulla, certum discrimen ostenderetur. Cùm hæc initia sese darent Ariałdo, et Landulpho, cumq. tamen illi partim leniundo, & mitigando si quis ferocius ageret, partim vrgendo, & instando conarentur exsequi destinata, delatores, pessimum omnium ciuitatum venenum in ipsos exorti cum artibus suis singunt crimen, cui materiam libertas, & ipsorum quotidiani sermones præbebant. Simul adiuuabat criminacionem Episcopi vita. Nam ea detulere, quæ quia vera erant, etiam dicta credebantur. Scilicet carpere ipsos in omni ser-

sermone Velatensem, eq. Pontificatum abrogare suis
conatibus, quem largitione ac indulgentia quæsitum
haud sanctius exerceret, quâni inuenisset. Inuidiâ apud
omnes cōflare tamquam corrupti ciuitatis, & aūto-
ri pessimi exempli, quo sacra dignitas veluti nundinis
flagitiosq. mercatu foret violata. Hæc & alia fingen-
tes e vero, credulasq. nocti Pontificis aures, actionem
illam vniuersam pessum dedere. Quippe Velatensis ictus
conscientia, & calumniatorum exulceratus arte, conse-
stum acciri Landulphum, & Arialdum iubet. Hi cùm di-
cto audientes venissent, increpat eos atrocibus verbis
Episcopus, concitores turbarum, seditiosos, temerarios,
audaces, & si quæ alia sunt verba magni doloris, & ma-
gnæ iræ. Atq. hic vtriq. finis castigandi Cleri, & reuocan-
dæ fuit disciplinæ, quod ego ita retuli secutus authores
eos, qui rem totam clemēter sunt executi. Cæterum non
sum ignarus Arialdum, & Landulphum in alijs annali-
bus diuersa fama perscriptos esse ac notatos ijsdem fer-
me probris, quæ ab irato Velatense congesta in ipsos fu-
isse memorau. Cùm res Ecclesiæ Mediolanensis in hunc
se modum haberent, per quam insigne facinus à Goto-
fredo Bolionario editum est, ex quo non Ambrosiano tau-
tum nomini, sed vniuersæ simul Christianæ Reipubl. de-
cens ingens, & in contumeliam olim itura gloria per mi-
rificos euentus accessit. Is, facinus indignum ratus, augu-
stissimæ religionis monumenta, Christiq. nobilitata vesti-
gijs incunabula salutis nostræ, à barbaris dæmonum cul-
toribus occupari, exturbare inde Turcā agitauit animo.
Ac primò quidem in eam opem solicitando Catholici
nominis proceres, & expeditionis eius amplificando cō-
moda,

moda, & opportunitates, facile præcipuum quemq. potentia, vel authoritate ad capessendam tantæ gloriæ partem incitauit. Ut verò satis se collegisse virium, & armorum putauit, dispositis in omnia consilijs, rem ipsam agreditur, quam Mediolanenses haud pœnitendo auxilio, ut in tanto doméstico tumultu, sex millibus armatorum adiuuerūt, Othonē duce, vexillifero Ioanne Rhaudensi, cui superinditū deinde cognomen ex cruce, qua insigne vexillum foret, ipsi posterisq. suis mansit. Traditur inde nobile facinus Othonis ipsius, quo, se & progeniem, & patriam decorauit. Nam postquam ad Hierosolymitanā mœnia processere, Volux nobilis ferociæ barbarus extra urbem processit verbis iuxtā, & habitu truculētus. Quà singulos, quà vniuersos increpans, inuita sua arma seq. multitudinem illam excidio daturum esse minitabatur. Erat capiti gestamen æneum sinuata in orbes vipera trisulco vibrans ore simulacrum humani corporis detracta pelle. Ita, dum visu terribilis, & auditu, circumfert truces minaciter oculos, Othonem forte conspicatus, ratusq. id quod res erat principem esse virū, prouocat eum ad singulare certamen. Haud quaquam Otho cedebat Voluci, vel robore corporis, vel magnitudine animi, vsu quoq. armorum, & arte facile primus inter suos habebatur. Tantò promptius exerit gladium illamq. Catholico nomini dare victimam parat. Nec illa pugna fuit. Quippe dū Barbarus ictibus repetitis, thoraca, vel auras irritus pulsat, Dux Mediolanensis, quà corpus hostile fortè patebat vulneri, dirigit ferrum eo impetu, ut moles iners confestim in terram rueret, ac deinde cumulum victoriae petens detrahit spolia cæso, cristamq. suo capiti non

non sine multo fauentium clamore latus imponit. Hic est ille Otho, quem Vicecomites autorem, & parentem sui nominis agnoscunt, quippe sic honoris vocabulo in ipsius gratiam appellati, & quia stemma gentilitium ex eo conuolutum in spiras anguem habuere. Res postulare videtur, quoniam in mentionem incidimus familiæ saepius memorandæ, ac reddituræ multoties inter Ecclesiæ Mediolanensis discrimina, & casus, ut hanc eius originem, & initia paucis exsequamur. Otho ducta in matrimonium Lucretia regij generis fæmina, duos ex ea suscepit liberos, Andream, & Othonem alterum. Otho Ioannolum, & Vbertum genuit, fontem, & caput vtrumq. numerosæ prolis, ac daturæ postea patriæ patres, præfides Ecclesiasticæ rei, nec minus, ex diuerso, turbarum, & seditionū authores cōmuni familiarum omniū fato ac sorte, quæ miscere turpia latus, alternareq. decora, & cōtumelias amat. Sed ex vniuersa magnæ domus sobole vix vlla vnquam ætas Andreæ parem vidit, siue iustitia & æquitas, siue ciuiū amor, & clementia in discriminem venient. Is militia quoq; bonus auctor fuit Mediolanensibus, ab domestica seditione actumulti vertendi arma, & iras in finitimas gentes, quæ discordiam nostram ratæ suam occasionem, ausæ fuerant hostilia. Et opportune Cœnomani socij populi Mediolanensis opem implorauere, cum à Cremonensibus opprimerentur. Itaq; copijs educatis, Andreas Vicecomes in Olli ripa tantam hostium edidit stragem, vt infectum plurimo sanguine flumen manaret, simul ad excidium petita laus Pompeia graue in posterum exemplum fuit, ne qua ciuitas Medioianense nomen ad iniuriam opportunum arbitra-

M m m m retur.

retur. Interea Henrico II. mortuo, arbitrium orbis, & Imperij Romani summa ad Henricum III. est delata, quo regnante, Catholica res propè ad ultimū venit, diuisa in factiones Ecclesia, lacerato studijs & humana cupiditate Pontificatu, ac veluti suprema destinatione per fœdum certamen ex pontificalibus coritijs remota miserabiliter & sublata. Nos eam rem exsequemur, tū quia nulos alibi maiores, quam Mediolani motus excivit, tū quia Pontifex ille ipse, quem ambitio & furor exturbaveret, patria Mediolanensis erat. Cum Nicolaus II. Florentiae mortalitatem expleuisse, prima cura patribus erat, ut aliquem è sacro Senatu summæ rerū admoueret, sed ubi nullus Collegio, in cuius capite munus illud recte collocari posse videretur, eminebat, Hildebrandi monitu vertunt animos in Anselmum domo Mediolanensem è Badagia gente, quo non aliis ea tempestate sapientior habebatur. Innocentia quoq; vita sapientiae famam æquabat, & vtraq; commendatione fuerat affec-
tus, ut assumerent eum libentissime in partem consilio-
rum, & actionum, Pontifices, Cæsares, siue tractanda
bella forent, siue res ad pacem, & concordiam adducen-
dæ. Iam Ecclesiæ Lucensi datus Antistes conuerterat eā
ciuitatem admiratione sui, vulgoq; ipsum homines re-
gimine totius orbis dignum ferebant. Hunc tales vi-
rum igitur Patres Pont. Max. creant absentem, sicuti fa-
ma est, & ignarum fortunę suę. Adeò ille animus im-
perare poterat magis, quam cupiebat, & cum rectorem
humani generis querentibus haud alias occurreret, ipse
quemlibet alium destinabat. Ita inuentus, & creatus,
Alexander II. vocatur nouo nomine, ingentiq. honorū
omnium

omnium gratulatione Romā a Gothifredo Thuscīē Du-
ce perductus in excelsa collocatur sede. Henricus III.
vti dictum est, Imperij clavum tenebat. Is ex stimulante
seditiosissimo quoque quia non Romani generis Ale-
xander esset, alterum ex aduerso creare principem
sacrorum institit. Episcopi conuocati Basileam ex om-
nibus terris frequentes conuenere; ac nominatim ex Ita-
lia, Parmensis & Placentinus, quorum ille Cadalous no-
mine, siue subito placuerit Cæsari, siue antea destinatus
foret, eligitur ex vniuerso numero, qui legitimo ac iusto
Pontifici adulterinus oppositus humana, & diuina per-
misceret. Mutatur huic quoq; de more nomen, & tam-
quam id vnum deesset authoritati conciliandę, pro Ca-
daloo fit Honorius. Enim uero, varios orbis toto Chri-
stiano motus animorum ea res conciuit. Ut quique tu-
multibus aut pace letarietur, siue populi, siue reges, hunc
aut illum souebant. Sed nusquam alibi gentium, quam
Mediolani plus varietatis atq; perturbationis fuit. Sum-
ptum e sua ciuitate Pontificem ponebant in gloria; sed
vti discordes ipsi secum erant, ita circa gaudium scin-
debantur. Corrupta pars & male sana, que Cleri nup-
tias volebat, opportunum ex ciue suo fauorem augura-
ri; ceteris vti consilia & mores, ita spes & vota. Inde
Gulielmus Landrianus, hinc Eremboldus Cotta, & cau-
sa dispare, & habitu animorum stabant. Vterq; lega-
tionem misere Romam, qua legatione, pars ea, que me-
lior erat, superior fuit, nec Erembaldo mora quominus
vteretur victoria. Ita pars importuna Cleri exacta con-
festim vrbe, diruptæ domus eorum, simul intentatæ mi-
næ mortis Episcopo, si more suo se se miscere cum per-

Mm m m 2 ditis

ditis hominibus veller. Ac Mediolani quidem in hunc modum vtcunq. compositis rebus, iræ conticescebant videbanturq; tumultus mutua partium dissimulatione, repressi. Mox ipsorum inter se Pontificum certamen exarsit, quo diducti principes in studia, dum Alexandrum aut Honorium anteponunt, vniuersum penè terrarum orbem turbauere. Paucis æquitas & legitimi pontificis tutela fuit cordi, plures illum alterū (sicuti commotis rebus prava fere semper inualescunt) amplexi fauore, nitebantur, vt pessimum exemplum in Ecclesiam inducerent. Ipsi quoq. Mediolanenses, quos æquū fuerat, si nihil aliud, ciuem certe suum, per tot experientia probatum, integritatis, & doctrinæ summum tueri ac souere, cessarunt ab officio, seq. ad Honorium siue Cadaloum aggreganere. Causa fauoris præposteri, ex Episcopo, qui suis institutis immitem, & aduersariū iam expertus Alexandrum offensusq. iudicio quo Erembalodus Cotta flagitosi moris insectator perditissimos Clericorum exturbasset, punire dolorem, & præcipitia tentare, sicut pleriq. mortalium, animum induxit. Igitur multa pollicendo, & suadendo, & sicut à principio instituerat, largiendo, & indulgendo, traxit plurimos in eam sententiam, vt Cadaloum sequerentur. Is tunc forte Cadalous à Buccone Halberstadense Episcopo Mediolanum nō sine magno comitatu & splendore perductus grande inuitamentum erat animis, etiam si quos Alexandi desiderium teneret. Adiuuabant Gibertus & Hanno magna nomina, Colonensis Archiepiscopus hic, ille preses Insubriæ, quorum tanta erat authoritas, vt quò ipse studia & voluntates inclinassent, eò non dare obsequiū

pia-

piaculi propè instar haberetur. Hi duo, postquam sedi-
tiosa consilia & Alexandri de ieiendi vias agitauere, facta
manu Cadaloum deduxere Romani eo consilio, ut Ale-
xandro per vim deiecto, caput rerum vrbem, & Sena-
tum, & pecunias gerendæ reineruos ipsamq; sedis Apo-
stolicæ maiestatem occuparēt. Sed Alexandrum Roma-
næ nobilitatis principes iam insesso Lateranensi contra
sacrilegos, & diuini iuris raptiores, qua debebant pietate,
& ardore tuebantur. Ita Cadaloum irrito conatu
nec sine mutua cæde, pessimi exempli authores Medio-
lanum reduxere, tanquā in turbida & suspensa magnisq;
motibus agitata ciuitare reperturia auxilia cœptis impro-
bis, indeq; viribus auctis ad pontificatum oppugnandū
erupturi. Sed enim uero suis tumultibus inuolutos Me-
diolanenses haud vlla iā tangebat cura rerum externatū
quodq; Cadaloo & sectatoribus impia spei principium
fuerat, seditio, & discordia ciuitatis, id ipsum erat in
causa ne in aliena negotia conspirare possent. Accede-
bat eò, quod ferre contra ciuem suum arma pro peregrin-
o capite viritim impium rebantur, nec adeò coecati
animi erant, vt non & æquitate causæ mouerentur. In
hunc modū, spes destituta Cadalo, qua se florentissimæ
ciuitatis arma moturū putarat, noui cōsilij viam inuenit,
acciditq; quod solet in magnis negotijs, vt ipsa despera-
tiores afflictas excitaret, nōx tamen suū in exitium, ea-
dem qua surrexerant facilitare relapsuras. Namq; vbi
videt aduersa sibi omnia & infesta esse Mediolani, pro-
ceres eosdē vrbis Romæ, qui primos suos impetus repu-
le rant, ingenti pondere auri, (& erat forte pecuniosus)
aggreditur. Nulla vñquam ætas satis firma fuit aduet-
fus

sus hanc illecebram , & splendorē illum oculis animisq.
tunc quoq. sequebatur auara mortalitas , & sicuti vo-
luentibus sēculis nō hominum ingenia, sed homines ip-
pos hæc vitæ scena variat & mutat ; ita venale metallo
æuum illud erat, non secus atq. nunc viuitur. Hanc Ro-
manorum hominū auditatem Cadalous emeratus ad-
mittitur in Basilicam Vaticanā, decepta per noctē multi-
tudine, quæ flagitia , & contumelias hasce Pontificatus
adspernabatur. Mox, vt fraudē sensēre diesq; Cadaloū, &
illius arma patefecit, infesti concurrunt, nec procul a-
berat à periculo notus Pontifex, nisi per auersam Pala-
tiū portam frustratus irrumpentes, à Cincio ciue Roma-
no receptus in arcem fuisset . Hunc florentem opibus ,
& authoritate sibi deuinxerat Cadalous qua cæteros ar-
te , & quasi pro acceptæ pecuniæ magnitudine gratiam
referret, labante multorum fide, qui minoribus culti do-
nis fuerant, nullo metu pertinaciam improbæ defensio-
nis mutabat . Sed cùm violentior quotidie populus in-
grueret, cæteriq. nobilium vna corrupti, iam pretij, iam
munerum obliuiscerentur, inclusus arce Cadalous, eò
demum inclinavit, vt rem totam patrum arbitrio disce-
ptandam pernitteret . Patres habendo in id conuen-
tui, Mantuam Vrbem elegere, propterea quod in ditio-
ne Matildis posita sanctissimæ feminæ, velut extra suspi-
cionis aleam esset, eademq. opportuno ex omnibus Ita-
liæ ciuitatibus traiectu , Episcopos ad celebrandam a-
ctionem inuitaret. Postquam eò patres conuenere, co-
gnita causa , examinataq. suis momentis , Alexandro
pontificatum adiudicauere, nec mora fuit, quin circa
summum Ecclesiæ regimen diuisa principum studia , in
cum

cum quem Senatus elegisset, admirāda prorsus animorū inclinatione consentirent. Ita Cadalous in medio cursu tumultuatio fauore destitutus extabuit postea mōrōe conatus irriti; Alexander publica gratulatione collocatus in sua sede, dignum patria Mediolano, dignum exspectatione communi pontificatum egit. Prima curatū fuit, vt Mediolanēsis Ecclesiæ corruptelas tolleret, quæ ciuitatem adhuc illam in contraria studia partesq. didubebant, haud sanè minore certamine, quām quo Romana parens agitata, & vexata in eum diem foret. Ac Eremboldus, qui Mantuam progressus in id ipsum excubabat, haud segniter vsus occasione, diploma confessim abstulit quo Sacerdotia, & Ecclesiastici fructus abrogabantur ijs Clericis, qui sese nuptijs illigassent. Interea Vido Velates perteſus iurgia & tumultus, infestamq. periculis, & infectione vitam, statuit cedere tempori, & mala quæſitum arte Pontificatum quasi piaculum iræ cœlestis abdicare. Gotifredus Castillio-
neus erat ex Ecclesiæ Metropolitanæ Canonicis, ambi-
tiosus homo, & curiosus amplificandæ fortunæ, cæteraq.
vita simillimus Velatensi. Eo principio in familiaris
amicitię iura societatemq. consiliorum assumptus, pru-
denter ac dexterè obeundo officia, & mutua dissimula-
tionē transmittendo, ac velando quę ferret Episcopi
morbus & ingenium, eum authoritatis, & potentiae gra-
dum erat affecutus, vt arbiter haud dubie Mediolanen-
sis Ecclesiæ rerum haberetur. Itaq. Velates, cùm anxiō
deliberaret animo, quemnam in eo fastigio collocaret,
quis inuidiam sui no minis quam minime oneraturus es-
set solita comparationis fama, et rumore; neminem

Castil-

Castillioneo commodiorem inuenit. Simul adductus
opportunitate, morum, ac vitæ, si successor eiusmodi ve-
tera vitia corruptelasq. repræsentaret; simul fretus be-
neficijs, & gratia, si deuinctus homo sibi & obstrictus, pon-
tificatum adipisceretur, statuit eum supremis Ecclesiæ
Ambrosianæ rebus admouere. Henricus vti demonstra-
tū est, per ea tépora pessimo exemplo rem ingressus, ex
iniuria Romani Pontificis id sibi ius petebat, vt Episco-
pum daret Ecclesiæ Mediolanensi, Romanus contra &
legum authoritate, & rationum momentis nitebatur, vt
sacrum munus ab imperio prophano, & ab improba ho-
minis cupiditate vindicaret. Id certamen esse suam oc-
casione ratus Velates, ita cum Castelliono rem com-
ponit, vt eodem tempore, mitteret alter ad Henricum
pontificatus insignia cum deprecatione curarum, & o-
neris, cui senecta iam non sufficeret, alter in Germaniam
profectus offerret se vacuam in sedem, gratum animū,
incensam officio voluntatem quæque alia sunt petentiū
blandimenta polliceretur. Ac Henricus quidem, siue am-
bitiosa Gothifredi delinitus arte, siue usurpandi iuris cau-
fa, facile annuit postulatis, atq. ita petenti quietem &
finem exercitæ vitæ concessit Velatenſi, locum vt eius
Castellionæo demandaret. Mox autem vt ille Mediola-
num venit, solennia honoris noui de more capesitus,
exarsere fremitu ac indignatione ciues publicum esse
dedecus ratisi Mediolanensi Ecclesiæ tantum adulterini
pontifices darentur, aliudq. ex alio sacrilegium patere-
tur ea ciuitas quam cæteris gentibus, vt opibus ac ma-
gnitudine præstaret, ita etiam ad Catholice dignitatis
exemplum oportret prælucere. Probrum & ignomi-
niā.

niam hanc vrbis Mediolani, per circulos & cœtus con-
querendo grauissimus quisq. tantam ad inuidiam abdu-
xere Gothifredum, vt non iam pro sacrorum principe
ac animarum pastore, sed fœdus homo & maculosus
apud omneis haberetur. Vt verò pontificiæ litteræ, mox
adfuere, quæ cum horrendo carmine prophanum Epi-
scopum arcebant omni communione sacrorum cæle-
stisq. de more diras in eum fundebant; enim verò terror
is, & ea Vicarij cælestis authoritas, repente, non solitudi-
nem modò, & squallorem circumdedic homini, sed fame
quoq. & inopia rerum omnium ad extremam penè tabē
eum perduxit. Itaq. omni humana destitutus ope, cùm
diuinas quoq; minas in se intentas cerneret, vertere solū
statuit, & aliquò secedere, vbi transitum illius tēpestati-
tis exspectaret, si forte, aut sui desideriū interea rediret
ciuitati, aut Pontifex ipse spatio interposito leniretur.
Varisium oppidum distat ab vrbe Mediolano xl. millia
passuum, quā mons inclytus magnæ Matris templo, val-
lum anfractus & syluosos hinc inde colles late despe-
ctat, exulibus quoq. nimirum Arianis gratissima sedes o-
lim opportunitate latibulorum, & facili transitu in re-
giones eas, quæ penitus Catholicum nomen adspernā-
tur. Eò subiit Gothifredus, & postquam periculum vi-
tarat, audax bello, parata sui similium manu, pontifi-
catum, quem usurparat ambitione mala, eum retinere
ac tueri parat impijs armis. At Erembaldus, quasi pro-
prium & hæreditarium familiæ suæ decus exsequeretur,
festine cum exercitu progressus ad montes usq. ipsa sui
nominis fama & terrore subegit hominem, vt neq. lati-
bulis fidens, neq. par prælio, sese parui oppidi mœni-

N n n bus

bus includeret , quod non longe à Varisio situm Castilioneæ genti cognomen dedit . Ex eo deinde oppido Gothifredus crebris in agros excursionibus vniuersam circà regionem infestam habebat, diripiebatq. maxime patritiorum villas , siue vt Erembaldum oneraret iniuria , siue quia pars ea ciuitatis præcipue fere ipsius honori aduersariam præberet . Atq. id Erembaldus inultum sinere, tum suum, tum commune ciuitatis dedecus arbitratus, ductis iterum ad Castillionæum copijs , arcta cingit obsidione locum , & haud dubie malorum vltimū famem admoturus erat obfessis , nisi publica calamitas interuenisset . Namq. cùm maxime Castillionæum vrgeretur, appareretq. non posse vltrâ vim sustineri , Mediolani atrox incendium, siue casu , siue fraude , siue ira Numinis in turbulentam ciuitatem , excitatur . Eius mali fama consternatus exercitus, obsidione relicta, dum per vias in urbem palatur , Gothifredo erumpendi locū dedit . Ita nimirum inualuere rursus adulterini Pontificis arma, naætaq. factio spatiū & quietem reparauit accisas prope vires , & ad lacerandum Ecclesiæ corpus violentiores cooruntur . Inter hosce tumultus confertum senio Vidonem sera subiijt pœnitentia pontificatus abdicati , vt repetere cupiens eam fortunā , quam reliquerat , animum in id ipsum , & quæ ferme est adiuncta cupiditati spem vanam intenderet . Summam inanis voti verti censebat in eo, si placare posset Erembaldum , cuius videlicet infestatione priuatam vitam elegisset . Nec implacabilem Erembaldi rebatur animum, quæ tædio Gothifredi, quæ cura periclitantis Ecclesiæ , quæ respectu rerum suarum , & manifesto discriminé , si multiplicibus

plicibus damnis irritata factio superior foret. Nec mo-
ra. quæsito pacificatore ac interprete nuntiari iubet
Erembaldo; quoniam nullus certamini finis inueniatur,
Ecclesiamq. sine pastore, ac Præside, grauiora quotidie
mala circumstent, si sibi restituere pontificatum velit, se
annixurum, vt, & veteris culpæ memoriam obruat, &
in posterum innocentiae sit exemplum, caritate quoque
in ipsum ac æterna tanti muneris memoria gratum fo-
re. Hæc à Vidone denuntiata, & promissa. Sed Erem-
baldus haud temere sancti quicquam & synceri ab eo
exspectandum ratus, quem artibus & dolis & impietate
omni ad Ambrosiani nominis excidium grassatum fuis-
se meminisset, vltrò fingit dolum, & simulata reconcilia-
tione Vidonem in Celiianum Monasterium abstrudit.
Ibi desperato seni grauis custodia, mœror, ira, & super
omnia tædium ex recordatione flagitorum, vitæ finem
fecere. Sub huius obitum statim Eremboldus ad-
uocata concione principes ciuitatis hortatur, ne
se Gothifredi pollicitationibus in fraudem induci pa-
tiantur, ne ve Sacramentum accipient, quo per eos
dies ille parabat improuidos irretire. Ambitiosum esse
hominem ac violentum, quem Velates non aliam ob-
causam ad pontificatum euehere sit conatus, quam vt
comparatione deterima memoriam sui dedecoris abo-
leret. Nunc imagine pacis, & modestiæ compositum
ad fallendos animos viam sibi ad Pontificatum struere;
si peruererit illuc, pontificatum ipsum cuersurum esse.
Voluntaria quoque fuga, paratu militum, agrorum
vastatione, cæterisq. belli meditamentis datum iam
specimen, qualem in Gothifredo pastorem animarum

Nnnn 2 exspe

exspectare possent. Haud penitus abhorrebant à Gotifredo ciuium animi, vel caritate patriæ, quia Mediolanensis esset, vel muneribus deliniti, quia corruptor animosus multa multis largiretur, vel ad extemum metu, si quem Rex ipse pontificem dedisset, eum adspernarentur. Peruicit tamen Eremboldus, ne in illius verba iurarent, & quibus animis descierant à Velatenie, ijsdem in Castillionæi repudium consperauere. Ita ille fluctuans & incertus, neq. si cœptis absistere vellet, honestum receptum habebat ad priuatam vitam, nec aduerso ciuitatis consensu peragere destinata tutum rebatur. In hunc modum repudiato Castillionæo Eremboldus, quasi victoriae præmium id petisset, consilia in Attonem vertit cumq. Mediolanensi populo imponere pastorem parat. Atto erat ex Ambrosiano Clero nondum pubertatis annos egressus, incertum, qua commendatione adeò carus Erembaldo, ut tantos eius causa tumultus cieret, quantos postea vidit Ecclesia Mediolanensis. Fuerit ne mitifica indoles in adolescentulo, eòq. magnam in spem antelatus grandæuis, an polleret opibus & autoritate familiæ, queis magna sç̄pe merita, & magna virtutes exsuperantur, an verò genere ac sanguine contingere ipsum Eremboldum, neq. tradunt scriptores eorum temporum, neq. nobis facile est interpretari. Sed non Eremaldo solum curat Atho is fuit, Ildebrandum quoque Cardinalem, cui tum præcipua munera Pontificatus initebantur ita deuinxerat, vt socius fieret Eremaldi fauoris, & conatus importuni. Hisce viris admittentibus in Ambrosiana collocari sede puerum postquam urbeta percrebuit, isq. per omnium ora sermo diditus est,

ij sunz

ij sunt fremitus exorti, quos res indignissima posset excitare. Subibat memoria tot certaminum, & miseratio pontificatus frustra ab Vidone vel Gothifredo translati, si penes ephœbum relinqueretur. Quorsum attinuisse miseri ac perturbari violenter omnia, ut munus virorum humeris formidandum repete mandaretur pueri? Iam scilicet impletas esse minas, quas Deus ipse contumaci ac re belli populo tanto antea veluti malorum extremura intentarit; puerilem dominum habere Mediolanenses, ne ultra quicquam timerent. Illum igitur tantæ vrbis populum, tot præterea subiectas ciuitates, quæ velut ab antistite, & magistra petere Mediolano cæremonias & ritus sacrorum, & responsa diuini iuris insueuerint recturum esse, qui regere seipsum nesciat? Illum qui nondum sit initiatuS arbitrum, & initiorum fore? Hæc & alia sapientissimus quisq. miserantes indignabantur, nec deerant, qui proiecti longius intempe: antia linguae, cauillarentur gratiam, & iniurias etatis, procace semper in eam rem hominum ingenio, etiam si absit ira. Nihil ea mouebant Eremboldam quominus adolescentium Attonem æquaret senectæ tot illustri virorum, Barnabæq. & Ambrosio. & Simpliciano, & alijs eius fastigij successorem daret. Ildebrandi missu aderat ex vrbis Roma, Bernardus nomine cum mandatis eiusmodi, ne cunctaretur Attonem Archiepiscopum facere supremæ tetrorem authoritatis interponendo si quis contra quid moliretur. Hoc maxime adiutore fretus Eremboldus, velatum pontificijs insignibus adolescenti in templum maximum, atq. inde post usurpata honoris pri mordia proximum in palatium non sine minaci pergulariata

pularium clamore nō sine multorum irrisu, pudendisq;
sibilis inducit. Ibi magnifice, ac splendide paratum
conuiuum, & rerum omnium usus in propatulo positus
erat ab Erembaldo, siue ut blandimentum illud daretur
plebi, publicūq. dedecus lætitia epularū aboleretur, siue
ut nulla præterea cura, hanc sibi, & Attoni, secessori-
busq. lætitiam celebraret. Postquam palatum inicere
iamq. lætidiscumbebant decorus ore puer Atto, & iux-
ta Eremboldus, cæteriq. deinceps ex illo comitatu,
repente facta illuc irruptione quibus altior flagitijs
sensus erat, micantes gladijs, vultu truces, imperu &
clamore violenti mensas euertunt, trepidumq. puerili-
ter Attonem per stragem ferculorum in templum rap-
tant cum interea metus simul & pudore confusus Erem-
boldus, vocibus interruptis, ne caput innoxium, ne sim-
plicem illam ætatem violarent, obtestaretur. In me-
potius vertite iras, ego causa tumultus huius, ego au-
tor ambitionis intempestiuæ, ego miserum adolescen-
tulum in hunc locum adduxi. Nec longe aberat ab exi-
tio, nisi breui diuerticulo mox peruentum in basilicam
fuisset, ac elatus in suggestum Atto, quodam è populari-
bus verba præcunte, Pontificatum eiurasset. Ita Erem-
boldi conatus ad præfens elusi, nimirum ut paullò post
maiore mole resurgerent, Ecclesiaq. Mediolauensis per
eam contentionem prope ad ultimum veniret. Cardi-
nalis Ildebrandus auditio Athonis casu, & quo ludibrio
conflictatus fuisset, simul graui percitus ira, quod Ber-
nardum legatum suum in eo tumultu direpta tergo ve-
ste prope conculcassent, in omne Mediolanense nomen
implacabilis ardescebat. Itaq. varia voluens animo,
queis

queis iniuriam eam grauius olim puniret, in præsentia magna pecuniæ subsidia mittit Erembaldo cum mādatis, & obtestatione vehementi, ne desereret Attonem vlo modo, sed eum in pristinam sedem restituere conaretur. Cūm in eo statu res esset, Ecclesiæq. destituta miserabiliter inter hasce perturbatores iaceret, non Atto, non Gothifredus, puer ille, adulterinus hic, loco pontificum haberentur, atroces adfuere Cæsaris ipsius litteræ, quæ principibus interminabantur extrema, nisi quamprimum assererent Gothifredo dignitatem suam. Hac illi denunciatione perculsi confestim Gothifredum restituunt. Ille, qui nihil aliud interea, quām vltionem & iras, & opes, ac pontificalis fortunæ cultum esset meditatus, statim atq. oblata spes afulsit, acriter in arma coortus, circumfert ad castella bellum, quæ primos inter tumultus amiserat. Alia primo capit impetu, quedam oppugnat, & cūm prosperrime fermè caderent omnia, breui tempore esse receperurus videbatur, quicquid aduersæ partis homines olim arcium, & oppidorum insedissent. Sed postquam ad Brebiam dimicanti è proximorum numero quidam hostili traiectus glande cecidit ante pedes ita ut ipsum cruore conspergeret, tunc adeò fracti sunt spiritus illi ferociæ, vt mota sponte deponeret arma, receptaq. Brebia contentus ibi sese contineret, neq. laceffens vltrâ neq. laceffitus. Verū enim verò tempus iam appetebat, quò tragicis sceleris exempla ingruerent Ecclesiæ Mediolanensi, vulgoq. spectarentur ea, quæ memorare animus horret. Alejandro Pontifice Max. per eos fortè dies extincto, Ildebrandus, ille fautor Attonis & Erembaldi, ille

Me-

Mediolanensium inimicus, ut florebat apud patres gratia & autoritate summum honorem adipiscitur, quo successu contremuerunt, ut quisq. acerrime puerilem pontificatum oppugnarat; Atto, & Eremboldus, & quisquis illarum partium erat, immode dic sustulerunt animos, ac venisse tempus rati, quo diem illum infelicitate tentati honoris vlciscerentur, sese totos in eam rem intenderunt. Ipse in primis Atto Romā proficiscitur, nō tam spe præmiorum, & largioris fortunæ, quām expostulatus iniuriam, & promptum sibi Pontificem in dāna Mediolanensium instigaturus. Atq. secundas nactus aures ipse quidem Romæ substitit, cæterū Erembaldo tantum ex illo Pontificio fauore temeritatis & audaciæ transmisit, ut nihil reliqui faceret, quominus Ambrosiana sacra & eorum antistites propè ad extremum insectaretur. Quantū olim ante Attonis tempora pro Ecclesia, & Episcopo, tantū nunc pro Attonis dolore, & ignominia sua nitebatur ac pugnabat. Nec ferme quisquam ibat obuiam, vulgata fama & rumore, fauere cœptis eiusmodi Pontificem maximum, &, si resistendo, & aduersando summa potestas irritaretur, maiora pericula, fœdiores ignominias imminere. Quin etiā eò processit, patientiā ciuium, & suis artibus, ut vulgo dominus & patriæ pater appellaretur, aliaq; porrò cumularentur in eum honoris vocabula, quæ reperire solet adulatio ubi nimirum in blandimenta odium excessit. In hunc modum exercebatur ciuitas viuis hominis violentia, cùm grauis insuper casus eam afflixit, excitato iterum incendio, quo priuata & publica ædificia miserandam ad vastitatem conflagravere. Et tamquam coli, ac inuocari Mediolanen-

Ianēsibus cælestes nollent amplius, insaniamq. nostram
adsparentur, ipsa quoq. tempa religionis augustissimæ dira clades absumpsis. Aedes Nazarij, & Stephani,
& Beatæ Martyris Teclæ, quo pluribus erant ornamētis insignes, eò sunt habitæ in maiore damno ac luctu, cū
scilicet omni perusta & corrupta reliqui operis dignitate,
torridi, ac nudi parietes deforme spectaculum essent.
Actempla quidem & aras, & reliqua ignium damna, vt
in opulentissima ciuitate tantoq. hominum numero in-
staurari ac refici neq. graue, neq. longum fuit. Verùm
insanabile malum erat, quod in Episcopi causa duce
Erebaldo fautores adhuc Attonis ciebant. Et accesserat
importunæ factioni Liutprādus quidā antistes edis Cō-
pitaliciæ grande momentum, ob sanctitatis opinionem,
qua noscitabatur in vulgus, & asperitatem ingenij, quā
vt in alijs plurimis, credita pietas velabat, acciderarq.
huic Liutprando, quod ferme solet in genijs eiusmodi,
vt quò contumacior esset, & abruptus atq. violentus
magis, hoc plus autoritatis apud imperitam multitudi-
nem obtineret. Eremboldus igitur talis fatus adiutore,
non iam Gotifredum, sed ipsamet sacra, & ipsam cum
suis mysterijs Ecclesiam oppugnabat. Suberant fortè
dies, quibus rediuiui Christi solennia celebrantur anni-
versaria gratulatione, & in mysticos vsus cōsecratus ab
Episcopo liquor ipso per uigilio letissimi Paschatis di-
uiditur in pastores animarū, nec ferme maiore ceremonia
& sacrorum hominū concursu celebritas alia pera-
gitur. Vibani pariter & agrestes parochi curionesue sus-
pensa collo gestantes vasa pluribus cōserita vasculis so-
lenni precatione consecratum oleum non sine candela-

Ooo rum

rum honore candidati petitum eunt. Cùm igitur id mysterium obiret Gotifredus, ac pro se quisq. religiosum humorem auferrent, nescio quo spiritu concitati Eremboldus, & Liutprandus accedunt, quà solio sublimis antistes eminebat, & raptū ex illius repente manus quod forte vasculū tenebat, affligūt humili, pedibusq. cōculant, & parū absuit, quin raro etiam inter Catholice religionis hostes ausu Petrus Damianus legatus Romani Pontificis violaretur. Tunc ille, quanquam cōmōtus erat, clementiæ ac mansuetudini propior apud infensos ita cœpit. Non ego veni Romani Pontificis, & Ecclesiæ Romanæ dignitatem amplificaturus, Mediolanenses. Sed vtrumq. nomen, vtriusq; maiestatem custos. Deus æternū tuebitur ac defendet. Cæterū nō vos decet Imperium adsperrnari, quod vniuersus Christianus orbis accepit, cui summa potestas tum aperiendi cæli, tum claudendi est permissa diuinitus. Circumferte per vniuersa terrarum oculos, quà Christus, & cælum, & Catholicæ res noscuntur; Cæteras omneis Ecclesiæ hominum pietate constitutas esse reperietis, Romanæ parentem, & authorem Deum. Atq; cùm alij Christiani cætus ex Romano fonte manarunt, tum vos ipsos in hac augustissima sede Barnabas Petri discipulus collocauit. Quicquid antiqui decoris iactat Ecclesia Mediolanensis, id fermè contulit Roma. Non Geruasius, & Protasius, non Nazarius, non clarissimi cæterorum aliunde vobis accessere. Ambrosius ipse quoq; quo tantoper scilicet gloriamini, noster erat, & huius exemplo admoneri vos oportebat, ne Romani Pontificis autoritatem adsparemmini, quā vir sapientissimus in omni actione sequi ducem

duceim & magistram consueuit. Et potestis legendo vel fando cognouisse, quemadmodum implorauerit olim ille Romanā opem, ut discuteret nefarias istas nuptias, in quas corruptissimi Clericorum penitus nunc animis incubuere. Furor est, eorum instituta non retinere, quorum admiramini prudentiam & sanctitatem. Ac videte, ne, dum maiores vestros anteire studium gliscit, eorum gloria & nomine vos indignos præbeatis. Nihil est tamen in partem utrinq. mutabile, quam animi multitudinis; ea tum à recto, & honesto in turpe ac prauum, tum à prauo & turpi in rectum & honestum leui momento contortquetur. Quippe Damiani verba confessim absterruerunt tumultuosam concionem, & sublato clamore se se in Romani pontificis autoritate futuros testantur. Simul offerunt se ad poenam atq. supplicium legato; cognosceret ille causas & piacula sceleribus accomodataret. At Damianus, gnarus popularium ingeniorum, nihil inflatus ea facilitate, quantoq. se effusius dabant, eò constantior, & institutæ à principio moderationis retinens, maluit ignoscendo, quam plectendo sanare populum Mediolanensem. Et quia sacrilegijs, ac omni licentia certatum erat, ratus in singula capita iudicium fore periculosem & anceps, vniuersos absoluit. Episcopus quoq. est absolutus hac fermè cæremonia, & ordine. Damianus legatus confedit in magnifica sella celosq. tribunal; adstabant aulici homines, qui ue legatū comitabantur, quosue adhiberi oportebat actioni testificandæ, & referendæ, ut assolet in publicastabulas, & monumenta. Cùm in hunc modum pompa constitisset, accedit Archiepiscopus, & clara voce, ut ab omnibus

Ooooo 2 nibus

» nibus exaudiretur, hæc pronunciauit. Fateor inceſtas
 » nuptias mercaturamq. sacrarum rerum, siue casu, &
 » errore humano, siue etiam nonnulla mea culpa in
 » Mediolanensem Ecclesiā irrepſisse. Verūm ne flagi-
 » tijs eiusmodi sit locus in posteruni enixe daturum,
 » operam promitto. Si secus faxim, tunc me Deus arcetō
 » Sacris, & cōmunione piorū. Postquā in hæc verba iura-
 » uit Pontifex, iurat id ipsum Arnulphus Pōtifici Fratris fi-
 » lius, initiatus, & ipſe sacris, ac ſplendidi muneris digna-
 » tione. Is Patrui dextram tenens; Archiepiscopus meus,
 » inquit, non recedet ab ea fide, quam dedit, & Ecclesiæ
 » dignitatem quam ſanctissime tuebitur; vt caſte ac pure
 » ſacra traſtentur operā dabit. Mox idē Sacramētu dixere
 Clerus vniuersus, & peracta cæremonia flexis genibus.
 Archiepiscopus eximia cum significatione pietatis obſe-
 crat Damianum, vti temporariū ſibi ſupplicium iniunga-
 tur, quo poenas æternas luat. Multatitia in ſingulos an-
 nos pecunia eſt expiatuſ, & Clero in certos dies indicta
 iiciu nia, queis libidinem ac luxum ceteramq. præteriti
 temporis prauitate m ac licentiam expiarent. Poſtremo,
 ut per omnes ordines detestatio ſalutaris, & anteactæ
 vitæ poenitentia per uagaretur, à populo quoq. iuſiuran-
 dum eſt exactū, quo ſe Catholicis institutis, & erga paſ-
 torem ſuum obſequio in omne tem pus obligarēt. Ac ne
 quid prætermiteretur omnino, quod pertineret ad ſan-
 ciendam diſciplinam, totamq. ciuitatem, optima ſpe
 confirmandam, ſedulò curauit Epilcopus, vt quorum
 maximè ſpectata eſſet integritas & doctrina, hi præmijs
 honoribusq. tollerentur, & omnibus modis decorata
 viuitus ceteris quoq. incitamentum eſſet. Ita Mediofa-
 nenſis.

nensis Ecclesiæ videbatur in perpetuum esse constituta disciplina præteritaq. damna, & calamitates, cùm præsentibus bonis, tum certissima spe maioris in dies incrementi, facile solari quispam posset. Verùm ubi legati domos reuertere, pristinæ licetiæ desiderium illico subiit animos, nec mora, quin tota ciuitas rediret in suos mores, atq. resumerent atrocia scelerata populares, impermissa connubia Clerus, Archiepiscopus ipse dissoluta indulgentiam, quæ corruptus idē, & corruptor in omnia conniueret. Fertur, querelis expostulantum redactam in ordinem Ecclesiam, quæ sui quondam iuris fuisset, inuidiaq. legationis admissæ, non aliud habuisse remedium, quām si noua delinimēta daret populo, ituraq. in cædē cōuicia necessaria dissimulatione redimere conaretur; inde secutū illud ab Ecclesia Romana dissidiū, quo postea meriti sumus, ut ab ipso Petro Damiano cōtumaces, & rebelles appellaremur. Ego magis crediderim suopte ingenio, turbidum, & violentum, & ambitiosum antistitem vltro repetiuisse viria, & corruptelas, & tumultus, quibus à primordio pontificatus insuesset, impatiētemq. moris ad stricti, laxasse cæteris habenas, quod ipse liberiorem vivere vitam posset. Postquam Ecclesia Mediolanensis in hosce fluctus est reuoluta, sceleribus & audaciæ liber veluti campus erat. Nam Landulpho Cotta mortuo, collega superstes Arialdus nec animi sat, nec virium ad resistendum habebat. Cæteri, ut quisque modestissimus, & optimus, intimo potius mœrebant sensu, quām ire obuiam audebant; ita relicta in medio disciplina, & sacratae leges, & quicquid in Ecclesiasticae sanctum, & augustum, ferri agiq. tamquam in barba-

ra

ra ciuitate, confusum discrimen esse praui, & honesti ; Clerici velut antesignani scelerum ac libidinum haberi. Tunc Eremboldus insurrexit quanto vix antea nunquam impetu sanandis vitijs atrox , videbaturq. dum coiceret Archiepiscopū, contēnere cætera omnia, & ferme superior erat, sicut glorioso certaminis vnius euentu declaratū est. Consecratio Cœnobiarçæ, qui Diui Celsi Monasterium obtineret, pertinebat ad Mediolanensem Archiepiscopum, idq. maximi compendij munus habebatur, vel propter cæremoniæ splendorem atq. celebritatem, vel quia magna vestigalia, magnosq. pecunias fructus ea secum præfectura trahebat. Igitur Eremboldus ratus indignum , si, qui non moribus, non animo sese pontificem præberet, is arbiter ac dispensator Ecclesiasticæ liberalitatis esset, hanc ei penitus eripere consecrationem animum induxit, & cum vtrinq. summa vi certaretur, tenuit Eremboldus, partim sua, partim amicorum gratia , ne consecrādi ius Abbatis penes Archiepiscopū relinqueretur. Ea res nuntiata Damiano tati apud illum fuit, vt Eremaldo non secus atq. vindici sacrorum , & Pontificis dignitatis grates , & laudes ageret, datis ad eum litteris fermè in hanc sententiam . Facere quippe ipsum laudabiliter ac pie, quod hostium Ecclesiasticæ disciplinæ sit hostis, defensionemq. Catholicæ Religionis anteponat omnibus rebus . Ea se fama latatum esse magnopere, sicut ex diuerso mœreat, quod vitia quæ paullò ante fuerant oppressa, velut ab stirpe renascantur. Quorum id culpa fiat, Deum esse testem, mox fore vltorem . Eos ad prauitatem hæreticam periurij scelus addidisse . Vetus hoc adeò malum esse Mediolanensis Ecclesiæ, ut auторcs,

auctores, & capita sectarum ferat. Minime mirum vide-
ri. Auxentium quoq. nobilem illum Arianorum antisti-
tem Mediolani robur arcemq. suo dogmati olim desti-
nasse. Maiore iam impetu, & violentia Eremboldus
agebat, quām, vt concitatae Ciuitatis impetum, & vio-
lentiam euitare posset. Pertusa statum vrbis, & conditio-
nem rerum pleraq. nobilitas discesserat in agros ibiq. ve-
lut irati patriæ, volūtarium &, perpetuum exilium mi-
nitabantur. Etiam de plebe homines temeratam eius-
modi flagitijs vrbem adspersati commercia, & necessa-
rias ad vsum Reipublicę desinebāt artes paulatimq. co-
mites fugae nobilium siebant. Ut verò mysteria salutis
humanæ, quę profana manu contrectari sacrilegium ef-
fet, cōcultapedibus cognouere, tanto maior indigna-
tio creuit animis, ac vnde tædio turbarum, & malorum
abscesserant, eò cupidine, & ardore vindictæ regressi ca-
pita seditionis Eremboldum, & Liutprandum, qui sacra-
tot iniurijs, tanta pontificatum ipsum ambitione ac va-
rietate lacerassent, destinant cædi. Cùm ita flagrantes
animis in Vrbem venissent, fuit incitamentum irarum,
quòd fortè concionabundum Eremboldum inuenere.
Pro circumuento ac destituto Athone querelas, & pre-
ces, probra in Gothifredum, & in desertores vrbis apud
resides iaciens diuinam humanamq. opem implorabat
feruidus natura, & concitanda multitudinis arte qua-
dam gparus. In eum hoc modo turbantem fedices e-
nobilitate pariter ac plebe cum incidissent, enim uero
tunc apparet quām exitiabile malum sit in mortalium
animis ira, discordijsq. ciuilibus ultimam in sanguine ac
cæde voluptatem esse. Direptum abstractumq. suggestu-
ex

ex quo tunc forte concionabatur, violentissimus quisq.
circumstunt, & cum ille insignia Principis Apostolorum
pacande multitudini ne quicquam explicaret, ipsumq.
Apostolum identidem cierebat, crebris in mortem vulne-
ribus eum affecere. Mox in Liutprandum auersi multant
pessimis exemplis hominem, adduntq. de honestamenta
decisis auribus, & naso, quaeve alia ciuilis furor in sedi-
tiosum, atq. pietatis obtentu contumacem ac turbulen-
tum inuenire potuit. Per alios inde principes factionis
aut sectatores late peruagata cades est, donec vici præ-
sentibus malis, ac in posterum terrore, iurarent, haud
vnquam alium sese pontificem accepturos esse, quam
quem Cæsar ipse destinasset. Hunc exitum Erembaldi
conatus habuere, bonis initijis in precipitia, & abrupta
progressi, planeq. nisi puer Atho labem adspersisset di-
gnus erat Erembaldus, quem inter Ecclesiasticæ rei vin-
dices posteritas omnis grata memoria prosequeretur.
Genus ipsi clarum, & maiorum illustria facta, indeq. ma-
gnus animus, & audita periculorum natura, & quicquid
ab generosa stirpe iactare nobilitas solet. Comis, mu-
nificus, & in maiestatis imaginem compositus ar-
te quadam multorum alliciebat animos idem, terre-
batq. Pietate etiam in Deum, & Sacrorum cura longè
principes illius æui, & studio restituendæ veteris discipli-
næ par gloriæ patrum diu habitus fuerat. Verum halce,
sive dotes animi, sive artes ingenij, sive ludibria famæ,
productus ad pontificatum Atho, & per eam contentionem
conflictata miseris modis Ecclesia vertere mox in
dedecus, & infamiam: vulgoq. omnes ipsum ex eo tem-
pore ceu monstrum, & furiam execrabantur. Ac de-
mum

mum congruentem hunc publicæ detestatioui finem inuenit, quem a nonnullis eiusdem studio tot annos extinci, vel fauore gentis, ex fide memorauit. At Henricus, cui tunc illa præcipua cura viuebat in pectore, ut Mediolanensis Archiepiscopi declarandi ius atq. potestatem usurparet, auditio Erembaldi exitu, & ciuium sacramento, non secus atq. magno rerum suarum incremento est lætatus. Quippe sublato Romani iuris authore, & obligata clarissimæ ciuitatis fide, omnia sibi fore in expedito deinceps credebat. Cæteras quoq. gentes eo terrore ac exemplo, ut à Cæsare pontifices acciperent, posse commoueri, peruersa & irrita spes oriebatur. Itaq. quasi remunerans meritum, litteras eas Mediolanum misit, quibus amicissime profiteretur, quæcunq; Pontificem elegissent, ei ratum honorem fore, se mandādi pontificatus imagine ac titulo cōtentum, rem ipsā arbitriūq; rei tam benè meritis ciuibus permittere. Plus in sermone tali dignitatis erat, quam fidei. Castillionæs alter agebat in ipsius Cæsaris aula Thealdus nō mine, vir grauis ac prudens ille quidem, & obeundo liberaliter ac dexterè officia non vulgarem gratiæ locum apud Principem consecutus, verū nullo Ecclesiasticarum rerum usu, & cui expeditius fuerat profana & profanos, quam sacra, & sacros obtainere. In hunc ipsum Cæsar fortè cum oculos conieciisset, non dubitauit, quin Ecclesia Mediolanensis Archiepiscopum eum declararet Castillionæi prioris tædio, statimque ille nouæ fortuue sinum obtulit, & mox nouus Pontifex non sine magna pompa, & comitatu Mediolanum est profectus. Ac ciues quidem, læti ut assolet ad omnia

P p p noua

noua, quæsitisimis honoribus accepere : mox , quod alteri acciderat Castillionæo , subita voluntatum inclinatione fauor omnis in odium vertit , subiqtque animos illa suspicio , tanquam aliud ex alio monstrum , in exitium & cladem Ambrosianæ rei diuinitus immiteretur . Quatuor homines vno tempore Mediolani Pontificatum trahebant, cùm interea nemo , iustus , legitimusq; pontifex esset . Sera pœnitentia desperatus primò , dein absymptus Velatensis , Atho puer , & his interiecti Castillionæi Gothifredus & Thealdus , turbulentia nomina , & cùm suo quisque fautorum agmine , nunquam ita consentiente in vnius odium magna ciuitate, vt non & aliqui protegant inuisum, neq; rurus adeò in fauorem prona, vt non & turba inimicorum existat . Ita Velatensem pristinum in locum restituere conati fuerant ex vetere fortuna residui clientes, quos ye alios , ætatis confectæ misericordia , & comploratio desertissimi senis attingebat . Castillionæus vterque Cæsarianis erat curæ ; Pontificij puerum Athonem defendebant . In vniuersum tamen omnes ita erant animis affecti , vt si arbitrij sui res foret , neminem eorum potiri Ecclæsie Mediolanensis vellent , Metu magis & in speciem , & potius horū tædio , quām illorum cura , hos , aut illos tuebantur . Magna vtiq; seges ac materia ciuilium malorum , & in ciuitatis excidium eruptura seditio , si non sumpta mox Pontificem inter & Cæsarem arma , quo facto contremuit orbis , ab intestino certamine , Mediolanensiū animos in summæ rei discrimen auertissent . Enim uero , quasi cruentam iam ex Ecclesiastico tumultu , & circa sacra dimicare suetam urbem in partē illius pessimi flagitiij venire fas esset ; ita prætulimus facē

ei

eibello, quod licet alibi flagrauerit, origo tamen hic, & semina mali totius extitere. Neq. alienum fuerit pertinere seriem ordinemq. rei, quamuis ea narratio diuer-
sas in gentes, & externa nomina veluti longius ab ipso Mediolanensis Ecclesiæ nomine nos abducat. Henricus, postquā violando Romana iura, Metropolim Insubriæ venditando, & quasi trahendo in Regiam pontifieatu Gregorium irritarat, haud poterat ex eo tempore quietis locum vllum inuenire. Siue dulcedo longius pro-
grediendi, siue metus ex acerrimo viro, siue vtrices fu-
riæ animum solicitarent, noua consilia, turbidos cona-
tus valuebat, queis demum vniuersa spes, & finis in eo, si
quo pacto Gregorium ipsum, è sacrorum principatu &
summis Ecclesiæ rebus exturbare posset. Mala mens
principis, malus animus, & importuna destinatio adiu-
menta tentandæ reistatim inuenit, antiqua & immuta-
bili regum sorte, ut ministri scelerum, & calamitatum
artifices ac instrumenta perniciei nunquam desint. Gi-
bertus Rauennas, & Thealdus Mediolanensis, ille spe
inflatus adipiscendi summi honoris, hic obligatus recē-
ti munere, se cum suis vterq. artibus ac dolis ad oppri-
mendum Gregorium obtulere. Hi communicatis inter
se consilijs, & re multum agitata, haud procul aberant à
patrando facinore, quo cædem summi pontificis grati-
ficarentur improbo regi, cùm repente insania, ad saeuie-
dum præceps, ad latendū incauta, patuit Gregorio, nec
ille, ira & vi, & quod fortasse aliis fecisset, arte pari, sed
maturato consilio, & plane pastorali lenitate obuiam
ijt. Erat per id forte tempus editum Episcopis tam
Græci, quam latini generis, ut Romam ad certam diem

P p p 2 con-

conuenirent de maximis Ecclesiæ rebus, in celeberrimo Lateranensi conuentu deliberaturi. Conuentus illius opportunitatem reprimendo duorum Antistitum furori sibi diuinitus oblatam ratus Pontifex, iam meditato verborum temperamento paratus in idipsum, aude tempus exspectabat, quo sacrilegos argueret nefarij consilij & eos, aut, ignoscendo & condonando traduceret ad equitatem, aut si duriores viderentur, insigne aliquod, neq. tamen abhorrens ab animo paterno documentum cederet vindicandi sceleris eiusmodi. Accæteri quidem patres, obedienter ad diem adfuere, conciliumq. frequens habebatur in Laterano; Thealdus verò, & Gbertus, vt est omnis malitia suspicax & meticuloſa, varias necendo moras, destinata Pontificis eluſerunt. Tunc ille non esse vltra dissimulandum ratus, retulit ad Senatum de parricidarum scelere & cōtumacia, & quemadmodum inferre sibi sacrilegas manus agitassen. Indignissima res oīnibus visa; satellites Henrici Vicario cælesti struere insidias ausos, & maiestatem illam, qua nihil sit in terris augustius, & sanctius ad necem adpetiuisse. Fit extemplo Senatus C. vt Pontificatu deiijcerentur ipsi, cæteriq. quorum depravari consilijs Henricum, & fauore subniti fama constans erat. In hunc modum illi notati & perculsi omiserant incœptum, magisq. tumebant ira, quam tentabant aliquid & moliebantur. Cæterūm Henricus, qui maiorem animo ferociam insitam haberet, quam, vt Mediolanensis aut Rauennatis Archiepiscopi poenitentia & consternatione flecteretur, quotidie magis fluctuabat æstuabundus, & omneis opprimendi Gregorij vias inquirebat. Gregorius contra, monitis & autho-

uthoritate nequicquam lenire furentem conatus, in pu-
blico demum conuentu statuit experiri, si qua posset eu-
ratione coercere. Conuentus Episcopis Romam iterū
est indicatus, missiq. ad Henricum legati cum denuntia-
tione cœlestium dirarum, monuere, veniret ad purganda
crimina, quorum argueretur, satisfaceret Ecclesiæ, ne-
ue sese ultra in diuini iudicij vicarios contumacem pre-
beret. Nihil est tam impotens ac temerarium, quam
eorum animi, quos magnis opibus, & prospero successu
fortuna semel inflauit. Non liberæ vocis, non veri aut
sinceri pati quicquam possunt. Sic Henricus, & legatio-
nem, & mandata Pontificis Maximi superbe adsperna-
tus, non iam fraudibus & dolis, quibus in eum diem
grassatus fuerat, sed stolido ausu, criminando palam,
& in ius vocando, per conciliabula, & cœtus asseclarum
suorum, abrogare Gregorio cœlestem curam, & Eccle-
siæ Catholicæ consensum irritum facere est conatus.
Vormaciam ex vniuersa Germania congregati seditio-
fissimus quisq. præsulum & Antistitum instigante ac soli-
citante animos Henrico, Gregorium Pontificem maxi-
mum eiurauere, quasi flagitiosum illius fœdamq. vitam
adsparentur. Verba decreti ferme in hunc modum
fuere. Maculosum hominem esse Gregorium, malis
artibus ad pontificatum obrepisse, plurimaq. detrimē-
ta quotidie rebus Ecclesiæ per scelera & corruptelas il-
lius importari. Proinde placere concilio, ne legitimus
ille iustusq. pontifex habeatur, nihil ipsi iuris in quen-
quam, nihil authoritatis, aut suis vñquam aut fore.
Rolandus erat quidam oriundus ex vrbe Italæ Parma,
clericus ordine, loco non obscurus promptus ingenio,

caterum

cæterū prauus audiusq. famæ malę. Is, cùm cæteri, formidine, seu nonnulla religione cunctarentur, ausus est depositere sibi munus auctundi Pontificem, & sacrilega mandata cum minacibus litteris preferendi. Summa fuit. Cederet absq. mora Pontificatu, & summi nonminis maiestate, neue se se in posterum vllis Ecclesię rebus immisceret. Simul, adrogantia & stoliditate pari Cardinales admonebantur, vt in Germaniam ad comitia noui pontificis venirent, quem Henricus eo fastigio dignum suo tempore nominaturus, animo & cogitatione destinaret. Non erat Gregorio, sicut alibi demonstratum est, mollis & pauidus animus, quales raro summus honor facit, aut admittit. Sed acer, vehemens, & quę timere posses haud minus quam vereri. Itaq. tanto spiritu & ardore in Senatu causam suam egit, Henriciq. factum impium tam grauiter ac dolenter est detestatus, vt patrum animos iustae indignationis impleret, ac temerario regi per iniurias Ecclesię regnum exercenti, male in eo capite collocatum honorem abrogarent. Extant adhuc in idipsum tremenda verba Pontificis, quę longo effata carmine non operae est referre. Potuit eō tempore, si vñquam aliás, magnum nomen, & celissima Pontificatus maiestas, & proxima cælo sedes omnibus mortalibus esse terrori, & contemptores diuinorum rerum animos ab iniuriosis in Ecclesiam conatibus obstupefacere. Nam postquam Gregorij Pontificis maximi sententia damnatum Henricum, Regni proceres cognouere, eaque late per prouincias est dedita fama, tamquam si pontificius dolor ad omneis pertineret, ac vnius iniuria violati forent vniuersi, ita detestari & hor-

rere

rere Henricum cœpetunt. Si conuentum indicaret, nō obire diem, & aut negare palam venturos, aut varias latendi vel discedendi artes nectere. Si aliquid sanciret, ac decerneret, imperata contemni; si pœnas irrogaret, tumultuari acerimus quisq. & ad subtrahendum iudicio reum, prohibendosue lictores facta manu concurrere! Demum eò processere, ut consilia de nouo rege creando minime dissimulanter agitarent. In idipsum constituta die ad Oppenehin, (Germaniæ vrbs est) conuenere ardētibus in Henricum animis, & imminentes haud dubie cèdi, si pacato concilio propositum tenere non possent. Legati quoq. Pontificis, Sigehardus Aquileiensis, & Ale-mannus Patauinus ad promouendam autoritate rem, & si quorum forté labarent animi, præmiotum, aut periculorum ostentatores adfuere. Sed acerrima principium indignatio non egebatur stimulis, primoq. statim confessu, cùm pro se quisq. probra, & flagitia regis exposuerint, omnium suffragia in eam sententiam confondere, ne quis Henricum sibi Regem duceret in postulum, atq. circumspecto nobilitatis flore deligerent, quē vacuo iam loco ac nomine dignum arbitrarentur. Humili quoq. sensus hominem ea tām insignis contumelia perculisset, nedū Hēricus immoto staret animo ac de summo fastigio detrahi sese penè ad ima pateretur. Sed quia tumultuando, & aduersando nihil aliud fecisset, quām vt satis iam sua sponte concitatos animos impensius efferaret, nec iam illud regiæ ferociæ tempus erat; ideo sese ad preces infimas, & varia blandimenta conuertit. Ne sibi tantum dedecus imponerent. Miti posthac & mansueto imperio rectum iri, atq. adeo ipsos fore

fore arbitros omnium rerum. Se nihil publicæ rei gestorum nisi ex eorum sententia. Proinde veterum oblitii, futura spectarent, & quo diadematæ semel caput incinxissent sibi, id ratum ac perpetuum esse vellent, atq; beneficium suum tuerentur. His dictis, homini priuato simillimus Rex, primò nihil mouebat, perstabantq; principes in eo, quod semel vnanimes consciuissent. Demū instando pluribus, & vrgendo miscendoq; precibus lacrimas, & lamenta flebilia, peruicit, vt infleterent ijdem illi paulisper animos, remq; totā interuallo adhuc modico suspensam tenerent. Suspendere autem in conditiones hasce. Referuaretur integra causa Pontifici maximo; quicquid ille censuisset, id ius ratumq; foret. Henricus interim omissa regiæ fortunæ mole, Spiram secederet, ibi, cum paucis quotidiani victus administris, apostolica decreta, supremumq; de suo capite iudicium exspectaret. Quod nisi æternis vinculis absolutus foret antequam anni spatiū circumageretur, tum verò tu Regia sede in perpetuum deiectus esto, nec ad eam repetendam iuris quicquam habeto. Etiam si duriora concilium imperasset, non abnueret Henricus, & hæc ipsa molliter satis ac benigne constituta putauit. Inde Germani proceres legatos ad Gregorium misere cum precibus, vt quando totum iam Henricum ipsius arbitrij potestatisq; fecissent, nerecuseret cognitionem, ac vellet pro sua pastorali cura, & solicitudine statuere, quod maxime fore in rem Ecclesiasticam arbitraretur. Si vellet, posse ipsum Augustam conuentum indicere in Mariæ Virginis lustralia publica gratulatione festum diē. Eum locum, id tempus maxime opportunum omnibus

vi.

videri. At Pontifex Maximus, quem simul cura publicæ pacis angebat, simul ex atroci Regis iniuria stimulabat dolor, nihil cunctatus se se in viam dedit prosequente Mathilda, de cuius feminæ laudibus & sanctitate, & virili animo alibi est memoratum. Facile Henricus videbat, si prius Augustam à Pontifice Max. peruentum fuisset, quām ipse cum Ecclesia Catholica reconciliaretur, ibi plena omnia difficultatum, & insectationis fore, proceresq. regni suos inimicos arrepta materia criminandi nihil reliqui facturos esse, quomodo, per uera, per falsa se se dignitati suæ aduersarios bréberent. Ea suspicione ac prouisu faciendum putauit, ut occuparet, in gratiam cum Pontifice redire, iāq. superatis alpibus magnis itineribus ad eū properabat. Tunc Thealdus Archiepiscopus Mediolanensis, & Gbertus Rauennas reconciliationem eam rati fore suum extitum, omneis impediendæ rei vias tentare constituerunt. Et quoniam videbant, in tanti moliminis negotio haudquaquam satis momenti se se facturos esse, reliquos Longobardi nominis Episcopos, ut quisq. Gregorio maxime infensus esset, facile ad incundam eiusmodi societatem impulere. Dein alios quoque principes concitant, cùm quidem præcipua gratia & apud omneis fauore Mediolanensis frustra neminem tentaret. Ita magno raptim numero, ac prope iusta exercitus mole congregati sacri cum profanis, imbelles, & strenui, nulla bona cura, tantum libidine turbarum, & pacis odio, se se trepido Regi circumfundunt, monent, obtestantur, ne Regium nomen, ne fortunam, in qua natus sit, deformare perget humilitate, & abiectione,

Qqq qua

qua sese abijcere Pontificis ad pedes paret. Cùm in hūe maxime modum Thebaldus & Gibertus peruersæ fationis antesignani conarentur Henricum à suscepta sententia consilioq. demouere, noua res eorum cœptis interuenit, quæ omnem eiusmodi conatum in præsentia comprimeret, ac retardaret. Nam diuersa rebellium Episcoporum manus, qui temeritate ad eam dié, & contumacia, nequaquam cesserant Longobardis Episcopis, siue repentina poenitentia mutati, siue meditato iam antea consilio, nutante adhuc & fluctuante Rege, Gregorium adiere supplices, & vt in Ecclesiæ Catholice gratiam reciperentur, precibus infimis orauere. Conuersio nimirum ea siml Regi fuit incitamentum, vt in petendē veniæ destinatione perstaret, simul obstinatos ad consilia pacis disturbanda Longobardos, furioso tentamento coegit absistere. Iam Gregorius a principio coacti per Thebaldum, & Gibertum exercitus, Cannussium ad Mathildem ex itinere diuerrat, ne quas in insidias præcipitaret, quas comparari sibi suspicabatur haud obscuris indicijs. Et fortasse comparabantur scelere Mediolanensis Archiepiscopi, quem non dies, non aliorum poenitentia leniebat. Sed Henricus innoxio ad Cannussium accessu reconciliacionis audius, ac dira illa pertæsus vincula, Mathilde, & insignes alios autoritate principes, qui circa Gregorium erant, appellat, vt mitigare sibi Pontificem velint, ac in tanta sua consternatione deprecatores existant. Non recusauere illi, moxq. varie apud Gregorium agendo, & solita deprecantium arte, quæ præterieras culpas cleuando, quæ saniora in posterum couisia,

&

& paratam obsequio mentem demonstrando flectere
offensum Pontificis animum nitebantur. Sed non ita
sauierat Henricus, ut crederet eum Pontifex ab sua
posse prauitatem deduci, ac primò quidem constanter
abnuebat; postea verò cum ijdem illi precibus iteratis
instarent, exoratus tandem ad concedendam veniam
inclinauit, siquidem supplicem, & antiquæ contuma-
ciæ oblitum viderit. Cannusium oppidum triplici per
ea tempora muro cingebatur. Henricus ad spem ve-
niae receptus intra prima mœnia nudis pedibus tem-
pestate frigida nullo regali comitatu vel ornatu
sententiam de se Pontificis expectauit. Cùm primo die,
tentando nimirum animo, nullum omnino responsum
redderetur, ille, & posterò, & sequenti vices repetijt
easdem, ac iterata toties prece fidem demum animi
synceri cùm fecisset, quarto die in conspectum admic-
titur. Ibi multis vltro citrōq. verbis habitis, obliuio
præteriorum indicta, dempta vincula Henrico, latx.
acceptæq. conditiones, & omnia firmam ad pacem, ac
stabile foedus rite constituta non sine magno fremitu
Thebaldi Mediolanensis, & aliorum, quos illa causa pro-
pius attingebat. Mox eam quoque cohortem conci-
liare sibi Pontifex concupiuit, & misso legato (constite-
rant enim extra Castellum) simul inuitauit ad salutem
ac pacem omneis. Sed in ambitione ac superbia cor-
ruptis animis, & elatis immodico fastu nihil æqui erat,
aut modesti. Cùm emptos ferè Pontificatus haberent,
implacabiliter oderant eum, in cuius contumeliam id
honoris ac dignitatis adepti forent. Itaque legatum
ipsum, qui vltro veniam offerebat, dimisere cum atroci

Qq q q 2 re-

responso. Haberet sibi sua munera & iura Gregorius, ac falsa & inani specie rudes atq. simplices aliorum tentat animos ; se nunquam cum habituros in Pontificis loco, quem probè scirent pecunia & malis artibus Apostolicum nomen, & proximam cælo sedem occupasse. Hæc legato dicta. Versi dein ad consultandum, haud am bigebant , quin vna cum Gregorio , ipsum quoq. tantopere sibi defensum Henricum exturbarent , & acerbitate præcipua Mediolanensis Antistes, querelas, inuidiā, probra in utrumq. Principem iactabat . Duos omnium mortalium, auaritia, superbia, crudelitate teterimos, gubernacula terrarum obtinere . Dum mutua dissimulatione flagitia tegant alter alterius , nihil in medio relictum sancti ac intiolati . Ecclesiam, & regnum, sacra & profana , diuina & humana iura polluta esse . Quid restare aliud , nisi, ut quos facinorum exspectare vindices possint , in eos impetum conuertant , ac ex Antistitum sanguine & cæde nouissimam voluptatem quaerant ? Profectò eundum obuiam furori , depellendos humanarum rerum arbitrio , qui se homines esse non meminerint, nec defore, quem regno, quem Pôtificatu, dignum imponant Orbi . Ea Mediolanensis Episcopi verba , exterorumq. fremitum Henricus vbi accepit ; haud ignarus , quantum in illis momenti foret , si vna mole insurgerent, principes viros , quos circa se habebat, iubet ire, ac leniendis animis, spem, preces, quæue alia placamina forent , admouere . Vna res compressit iras , quod excusata necessitate , qua Pontifex in præsentia fuisset exorandus , irritatos sibi non fratos esse spiritus demonstrauit , & vbi primum liceret, ad pristi-

na

na redditum. Hac spe iniecta, paulisper Antistites
quieuere. Sed cum ille tardius moueretur, impatiens
omnis moræ, quæ Pontificis exitium differret, se-
cessionem minari rufus, ac iam plane deficere, donec
redactus ad extremam penè solitudinem Henricus, ma-
nifesta signa dedit animi rebellis, exturbatoq. Grego-
rio, Gibertum Archiepiscopum Rauennæ, principem
sacerorum, dixit. Nec multo postea Thebaldus Mediola-
nensis tædio tot turbarum, quas aluerat ipse, & conci-
tarat, moritur. Conquieverat ex diuturna iactatione
Mediolanensis Ecclesia, excussisq. iam tandem Atho-
ne, Gottifredo, & Thebaldo, nouum & certum na-
ta Pontificem, ex præteritis damnis cladibusq. reficie-
batur. Is Pontifex e Pusterla gente nemini Mediolanen-
sium natalium claritudine secundus fuit Anselmus no-
mine. Sed nondum, opinor, tot mala, quot memora-
uimus, ita ciuitatem expiarant, ut non et residua pia-
cula dissensionum imminerent ipsæ dissensiones, aliudq.
semper ex alio nascens malum, & redundans in publi-
ca damna irrequieta Pontificum vicissitudo. Anselnius
hic, siue quia fauore Cæsaris & ipse Pontificatum ade-
ptus esset, siue post fortunam amicitia regia nimis in-
temperanter vteretur, siue quapiam alia offensione
Gregorium irritasset (nulla enim certa traditur causa)
repente præter expectationem omnium ab ipso Grego-
rio damnatur, tamquam vitio creatus, eaq. res & con-
tentio Mediolanensem Ecclesiam reuoluit in pristinos
fluctus, & nihilo quietiora tempora fuete, quam qui-
bus explicandis iamdudum attinemur. Nono, vel ut
tradidere plures, octauo initi honoris anno moritur

An-

Anselmus. Hi sufficitur Arnulphus primò suffragijs populi, qnod iam in morem verterat, deinde Cæsaris authoritate, quæ malis initijs usurpata pessimos fermè euentus habebat, satisq. constitit, ex multis, quos ille rebus Ecclesiæ per ambitionem ad mouere sit conatus, haud quemquam fuisse, quem non vna cum honore certamina & tumultus, & in perniciem itura dissidia veluti per iustas numinis iras exceperint. Nec Arnulpho huic melior fortuna, quam cæteris, quos honore suo misere conflictatos inter exempla verius humanarū rerum, quam inter Mediolanensis Ecclesiæ Pontifices executi sumus. Arnulphum Henricus annulo, virgaq. de more insignitum Episcopum crearat, profana cohors antistitum, qui Henrico satellites aderant, authores facti statimq. eius fortunæ Pontificalis habitu & splendore, sicuti sunt hominum ingeria nimium plerumq. auida in id quod forte semel arrisit, nulla in posterum solicitudine, præsentibus bonis fruebatur. Mox vindex temere initi Pontificatus adfuit, Arnulphumq. quia sine Romana autoritate nomen & sedem Archiepiscopi Mediolanensis usurpasset, in ordinem redegit. Et ille, siue pudore aliquo, ne priuatus adspiceretur, qui modò tantum dignitatis occepisset, siue repentiua pœnitentia mutatus, vt immoderatam honoris cupidinem expiraret, in sacrorum hominum familiam abdidit se, ibiq. tanta religione ac pietate, tantisq. virtutum omnium exemplis egit, vt non alium postea magis ætas illa miraretur, & mira prædicatione vulgi, in sermonibus haberet. Et Mediolanensis Ecclesia quidem hasce vices, & has Pontificum imagines alternabat, magis absque pastore

Pastore, ac Præside, quām vacua, & expedita. In tota
Christianā Rep. nomineque Catholico, immortalita-
tedignissimi viri præclarā actionem suscepere, cuius
pars maxima fuit Ambrosiana religio, & quamquam
turbatis rebus, manauit tamen ex urbe Mediolano præ-
cipuum robur expeditioni, quē mortalitatē vniuersā
gloria facinoris aduertit, quæue summis Ecclesiæ votis,
tunc primum aperuit viam. Atque nos eam rem altius
exsequemur, quam ante aliquot annos agitari cęptam
iam leuiter attigeramus. Gothofredus Lotharin-
giæ Princeps, & Robertus Belga fuere per ea tempora
potentes opibus et imperio, quodq. in magna fortuna
perrarum esse solet, pietatem in Deum & Religionem
vnice coluere; sed Gothofredus magis, quem alij Bu-
gnonum, plures Bulionum appellauerunt. Hi cùm
studio pieratis incensi communicatis inter se consilijs
petere Hierosolymam agitassent, quō Christi, & Sancto-
rum nobilitata vestigijs inuiserent adorarentq. loca,
multos, vt fit, inuitando, & hortando cupiditate pere-
grinationis eius accenderunt, & iere pia cohors magna
publica gratulatione simul & mœstitia, quasi traherent
florem secum christiani orbis, & tamquam proceres
inlyti per longinquas terras, longinqua maria certum
discrimen adirent. Nunquam alia pompa tanto con-
cursu per ora hominum incessit, quæue plus fauoris, &
plus amicæ vocis excitarit. Quacunque transit reli-
giosum agmen, ire pios, ire fortes iubent, & augustissima
monumenta, plenamq. miraculorum terram, & cælestē
solum inuisere per communi nomine partemq. publicæ
pie-

pietatis illuc ferre. His alijsq. porrò fauentium vocibus,
& gratulatione celebrati principes gregali peregrinum
tium habitu & cinctu, cum Genuam peruenissent, con-
scendunt naues, secundisq. sicuti fama est, & mire fe-
rentibus usi ventis in Alexandriæ portum incolumes
deuehuntur. Appositi custodiæ portus eius erant pre-
cipue truculentis barbari soliti portoriū exigere, quod
tributi nomine persoluebant inuisentes illa loca chri-
stiani, quod hodieq. vestigal Romanam Ecclesiam de-
format. Gnarus eiusmodi consuetudinis ac necessita-
tis Gottifredus mandarat iam antea seruo, vt cum in
terram egressi essent, promeret illico argentum, atque
pernumeraret custodi Saraceno, quantumcunq. nume-
rari viritim oporteret. Ita princeps veluti libero tran-
situ, qua dignitate ceterum comitatum antestabat pri-
mus agminis incedit. Enimvero circumsistunt barbari
ferociterq. more suo pergendi pretium petunt. Gottifredus
ad ea nihil aliud effatus, quam sequi penè famu-
lum, ab eo scilicet acciperet, irritauit Saracenum hoc
responso tamquam eludens cauillaretur. Atque ut est
omnis barbaria nimio plus impotens iracundię, & ubi
potestas accessit, immanni superbia, fuit ex illa porti-
torum colluie, qui foedare os clarissimi viri colapho
infraicto statim auderet. Perculit ea contumelia Bolio-
num principem, & quamquam neq. sensus repentiniver-
beris abesset, altius mōrebat animo, nobileq. pectus
impatiens iniurię, ancipitem illico curam agitabat, si-
ue ut mancipium illud referiret, siue ut relinqueret do-
lori spatum, grauior in tempore vindex futurus.

Potius

Potius hoc visum, pressitq. sensum indignitatis acerbissimæ, & præsenti pecunia satisfecit illi, a quo pulsatus fuerat. Cætera quoq. peregrinorum turba, cùm primis animorum motibus ad vim inclinassent, eodem momento reputando quām iuqua conditione coorirentur in certamen, iras tenuere. Ita mēsti simul & infensi procedunt. Crediderim etiam præter metum & necessitatem, quæ aliena in terra ferre ac pati omnia desertos & iā pene inermes cogeret, ipsius quoq. Christi subiisse recordationem, cui, nec labores ac tædia tam longinquæ peregrinationis, nec alia quæcunq. pati possit humanū corpus, grata & accepta fore si vindicare conarentur iniuriā in ea terra scilicet in qua liberator ipse humani generis tot ludibrijs, & acerbitatibus vltro confitatus foret. At postquam Hierosolymitana spectacula oculis affatim usurpauere, ad sanctioris vindictæ consilia vertunt animos, & pro se quisq. depellendum ea possessione barbarum fremunt. Addebat faces flagrantibus iam satis animis, præter contumeliam illarum Bolionio manus, alia quoque dedecora, & probra, quibus peregrinos omnes ex occurrsum vexari passim à barbaris vidissent. Nam excutere singulos, & si quid peculij abditum ferrent, extorquere, tūm audentes hiscere contra, verberare, perimere, multos etiam onerare catenis, & in ergastula coniucere vel describere ad remū, quasve alias indignitates odium christiani nominis, & natura ferox, & rapiendi libido, suppeditare possent, concessa propemodum ars, & iustum legitimumq. certamen habebat Saracenus. Ob ea scilicet insigne facinus conceperc primū animis, quō terram inclytam

ms. VI
Rrrr

ab

ab Saracena seruitute in Romanam libertatem vindicarent. Exequendo inde gerendæ rei rationes & vias, & quād expeditum foret, destinata patrare, sic statuebant, non castella, non arces, non præsidia, non ullum belli apparatum ad eam formam visum fuisse, ut esset expeditioni diffidendum, si Christiani Principes ad arma consurgerent. Pleraque custodijs intermissa loca, & soluta omnia in securitatem ac fluenitia luxu, qualem secundæ res creent, apparuisse. Posse, vel irruptione repentina, vel vbi præcipuum existat robur, obsidione breui, subigi gentem vniuersam, & impuro dominatu liberari loca, quæ scateant salutis ac libertatis humanæ mysterijs, & diuinam Christi mortalitatem spirent. Has cogitationes, & hæc consilia secum portantes remenso feliciter mari Romam ad Ecclesiæ principem venere. Is tunc forte erat Urbanus I I. hoc nomine sanctissimi imperij vir, & qui super cæteras temporum, & rerum, & hominum indignitates, acerbissime illud ferret, quod pareret Hierosolyma Saraceno, quodq. contaminatorum incessu prophanaretur ea regio, quæ veleni templum foret orbis vniuersi. Itaque postquam rationes, & argumenta peregrinorum audiuit, ad id quod votis & animo tacitus agitasset, tum facilitate negotij, tum hortatu ac precibus inuitatus, tanto magis exarsit pectore toto, vt pulcherrimum liberatæ Hierosolymæ titulum adipisceretur, idq. Pontificatus sui monumentum excitaret. Sed hoc loco variant annales, nec à Gotifredo, & Roberto, cæteraq. manu, verùm à Petro quodam Anachoreta monitum, erectumq. Ponficiem tradunt, quibus tamen haud malim credere.

Nam

Nam & altera illa frequentior fama est, & ab obscuro
ac ignoto capite ad clara nomina rem totam inclinari
quodammodo postulat ipsius actionis gloria. Non in-
terfuit Pontificis, a quo consilium afferretur. Ingenti
animo rem gloriosi moliminis amplexus circumire pre-
cipuas vrbes, apparando ac disponendo bello, & ci-
gendifis omnium animis decreuit. Itaq. solita Pontificij
comitatus mole profectus ab vrbe Roma Vardastallum
venit, inde Canussium, & post aliquanto Placentiam, &
ex ea mox vrbe Mediolanum tetendit præter magnas &
multas expeditionis opportunitates, intentus in eam
quoq. curam ut residua veterum certaminum, quæ tot
cladibus Italiam & Germaniam attruerant, præsenti
componeret maiestate ac nutu. Mediolanenses, vti di-
ctum est, inuoluti suis malis præcipua collauione ac fœ-
ditate rerum omnium agebant. Non ibi discrimen re-
ati prauiq. non vlla forma sanæ ciuitatis, & tantum pe-
reundi perdendiq. omnia insita penitus animis libido.
Ultimum malorum erat, quod Arnulpho deiecto neque
Præsidé ac Pastorem turbata ciuitas habebat, neq. rur-
sus per studia & factiones regiorum, nouum dari Pasto-
rem, expeditum foret. Obuiam iuit ei malo primū
omnium Urbanus, & Arnulphum quia nulla ferme sua
culpa, tantum in pœnam regiæ contumaciæ exauctora-
tus esset, euocatum ex Monasterio rebus imposuit.
Dein auersus ad cætera sananda, tantum profecit hor-
tando, monendo, rogando, & ubi se se aliqui duros præ-
berent, intentando cælestes minas, ut concordiæ & pa-
cis amor apud omneis oriretur. Tradunt scriptores
eorum temporum, ea Pontificis lenitate mitigatos ani-

Rrrr 2 mos

mos, non modo finem fecisse veterum simultatum ac ini-
miciarum, sed in rarum usque processisse cariratis, &
benevolentiae certamen, ut & inuicem sibi caros darent
amplexus, & de suo potius iure cederent, quam ut ma-
teria vlla iurgijs contentionibusve relinquetur Vrba-
nus, Mediolani compositis rebus, & constituta ciuitate,
qui exemplo ceterae quoq. temperari gentes possent,
Nouocomum, & à Nouocomo Claramontem in Aruer-
nos est profectus, Principum, & Episcoporum ibi con-
uentum habiturus ex antecondicto. Et conuenere fre-
quentes e varijs terris, pars officium in Pontificem rati,
ceteri misti rebus ac negotijs, quæ forent agenda, qui-
dam ex otiosa multitudine tantum spectandi studio, &
cura. In eo celeberrimo conuentu, sacrorum Princeps
æquabili, & attenta iurisdictione decisis litibus, quæ pu-
blicam quietem interpellabant, damnatis iterit & à pio-
rum cœtu remotis, qui factis improbis, & erga Ecclesiā
contumacia cœlestes meruerant iras, expeditionis Hier-
osolymitanæ tractare consilia & vias instituit. Et quo-
niam in tanti nominis bello, quo mouebantur christia-
ni orbis arma, commoueri primum omnium animos
oporteret, atque stimulos addi, quo promptius gloriæ
partem capesserent, ac in eum campum accingerentur,
orationem habuit ad idipsum accommodatam, cuius
hæc præcipua capita memoria fidelis custodiuimus. Nemi-
nem ignorare, quam indigna res sit, possideri Saraceno-
regionem eam, quæ possit dici parens & origo salutis
humanæ, & quam multa fœda visu, relatu aspera pati-
antur quo scunq. sua pietas & religio locorum illuc ad-
duxerit. Se quoq. ex quo die ad Pontificatum diuino-

nutu

nutu sit vocatus, angi querelis & lamentis in memorantiū vel, vt quisque pessime multatus, ex illa peregrinatio ne redierit, vel vt non potuerit omnino redire. Sed antea cunctatum fuisse, vel natura quadam humani ingenij, vel iusto metu, ne cum aliquo damno ac dedecore rem tantam moueret. At proxime reuersos ab Hierosolyma, Gotifredum, & Robertum, quos viros in ea narrare, tum de facilitate negotij tum de iniuriarum atrocitate, vt non vltra esse differendum videatur. Vidisse enim ab efferatæ gentis hominibus verberari, spoliari, prehendi, perimi peregrinos inermes, & Bolioniū ipsum non alia de causa saluum esse, quam quia tacitū præbuerit ad contumeliam os, imbuta mq. verbere iam manum præsenti delinierit argento. Vidisse etiam miram apud barbarum securitatem, eamq. negligentiam, vt in flagitijs prope loco sit ponendum si non vltro sumant arma, & ad vindicanda sacratissima monumenta conspirent. Proinde erigerent animos clarissimi viri, præcipua spes Ecclesiæ, decora, & præsidia Catholicæ nominis, Deumq. sequentes ducem, facinus aggerentur, quo non aliud patrari vel excogitari nobilius posset. Hæc aliaq. porrò à facrorum principe dicta commouendis animis mirificam apud omnes vim habuere, & ex ipsius ore Dei quodammodo missa videri potuit oratio. Confestim exarsere primus quisque opibus & potentia, vt qui iam antea pro indignissimo semper habuissent nefariae superstitionis homines in ea terra dominari, quæ Catholicum ad nomen iusto iure pertinebat, nec res ferme alia tardauerat generosos procerum impetus, quam quia nemo vnuus existeret author concilijs, &

lij, & quia deliberationi de maximo negotio adiçere ad eam diem animos implicati suis turbis nequiuissent. Postquam verba Pontificis, Bolionij cæterorumq. testimoniū, & multa simul iuitamenta gerendæ rei sunt audita, dant ordine omnes fidem, spiritum ante, quā gloriā tanti facinoris amissuros. Arnulphus erat in eo conuentu Ecclesiæ Mediolanensis antistes, Urbanum ab urbe Mediolano Claramontem affectatus. Is vel ciuitatis magnitudine, vel sua fama præcipuum momētum, cùm alias alij copias in id bellum offerrent, armatorum octo millia, suo & Mediolanensium nomine perhibuit omnium primus, eumq. secuta cætera principum multitudo certatim auxisse numeros fertur, atq. ita cōfectum exercitum, quantus raro alias extisset. Duenta millia fuisse narrant dilectæ iuuentutis, nec receptos omnes, qui vltro darent nomina, siue quia is numerus in omne sufficere posse discrimen videretur, siue quia relinquere domi quisque præsidium vellet. Mediolanensium exercitus fuit magna ex parte sacrorum hominum, qui tanto in Ecclesiæ discrimine desiderem intra facella, & monasteria vitam haudquaquam arbitrati placere Deo, satis mutauere togas, idq. vel maximū tosius militię robur fuit. Ducem habuere Ioannē quendam cognomento Rhaudensem, qui postea repudiata vetere appellatione Crucius est nuncupatus nimirum ex purpurea cruce, quam sacrī cohortibus vexilli loco fuisse prælatam constat. Id hodieq. genti cognomen manet. Cūm iam dispositis in omnia consilijs totaq. belli mole in huic modum ornata, & parata dies appropinquarer, quā in diem cesser constituta

tua profectio, perincommode accidit, ut Archiepiscopus ipse Mediolanensis discederet ex hac vita, eiusque desiderio viri mœsta & perplexa ciuitas attonita similiis hæceret. Nam, neque si omni ferme religiosa sobole in bellum descripta & ex hausta, manere domi patrem ipsum oportet, facile parem ei quempiam inueniebant, neq. si cum præcipua ciuitatis parte, ite principem utile atq. consentaneum foret, tanta in illo ciuiū corporis & animi vis eminebat, quantam & longinquā labor itineris postularet, & fuisse in Arnulpho meminissent. Anselmus tamen è Valuasorum stirpe est sufficiens, haud quaquam longo interuallo proximus ei, quem lugebant. Sed huius originem, studia Pontificatum, & qua fortuna sit usus, postea memorabo. Nunc reliqua persequar expeditionis Hierosolymitanę, quam ille pro virili sua parte minime segniter capessiuit, magna gratulatione & plausu gerendi belli administratores ipsum in partem rerum Anselmum accepere. Hoc igitur aucti duce, Gotifredus & Robertus, & ceteri, qui capita rerum erant, nouam illam consilij viam inierūt, ut non terra tantum, sicut antea conucherat, sed mari quoq. rem gererent. posse, cùm tantum suppeteret & militarium copiarum, & imperatoriæ prudentiæ, commodissime vires, & exercitum in Martem vtrunq. describi. Sic diuisus bifariam exercitus, hinc terrestri itinere, hinc maritimo, terræ Syriæ sese superfudit. Ac prima quidem irruptione felices & incruenti, Nicę capta, urbem Antiochiam obsidebant; mox è classe sexcenti pedites cùm forte ab Iconio ad reliquum exercitum pergerent, in insidas præcipitauere, & cùm numero,

mero, tūm viribus impares ad vnum omnes interficiuntur. Ea clades christianorum animos irritauit, non fregit, tantoq. maiore conatu deinceps exarsere. Et erat veluti certamen virtutis inter ipsos, ne suorum sanguinem inultum sinerent, ne prospero prælij vniuersitate gestire ac exultare barbarum paterentur, cumulusq. deinde prosperarum rerum est consecutus Antiochia & Myra præualidæ vrbes, & tracturæ gentis vniuersæ dditionem in potestatem venerunt omnium primæ, mox aliæ complures, statim, aut obsidionis terrore. Et egerebantur ex omnibus opulentia barbaræ spolia, quæ facile solari tam longinquam ab domo militiam possent. Nec aurum modò, & argentum, quæve alia prima mortales putant, sed his longe pretiosiora de mortalitate Sanctorum, quæ scilicet erepta diuinitus hominum atq. temporum iniuriæ publice priuatimve serabantur. Ac ex vrbe Myra præsertim D. Ioannis Baptista cinceres, cuius nomen ac humano generi felicem cæsorum gentes ex venerabantur admiratione sanctitatis, itemq. Nicolai Myrensis ossa, & alia quamplurima, quæ referre hoc loco non est operæ pretium. Inter haec vrbiuum vel dditiones, vel expugnationes, Mediolanense nomen enitebat præcipua gloria roboris ac perseverantiae. Fortissimum quodq. facinus ab eo milite patratum, & ad omnia quæ prouidenda vel audenda forent, nusquam in alterius gentis exercitu plus consiliij vel audaciæ tote illo bello fertur extitisse. Sed maximum Anselmus ipse præsidium atq. firmamentum erat, inuictus laboris, & eximius arte quadam imperatoria. Huius ductu Hierosolyma cœpta sunt oppugnari, difficile

difficile negotium vel propter munita vrbis ipsius,
vel multitudine defensorum , vel quia prouisa erant
omnia quamuis aduersus longum obsidium . Ita die-
rum aliquot spatio verberata , & defensa paribus ani-
mis, victoram morabatur, donec speculati nostri par-
tem incustoditam in muros euasere , atq. ita capitur
tricesimo fere die postquam cœpta erat obsidet . No-
bile inde facinus traditur Othonis Vicecomitis, qui splē-
didum in Ambrosiano exercitu gradum obtinebat .
Is, cùm insignem ferocia barbarum fortè conspicatus
esset , Volucem nomine, qui acerrime dimicando , ma-
gnam circa se stragem fecisset , congredi cum eo sin-
gulari certamine concupiuit . Nec ille detrectat pu-
gnam . Strictis repente gladijs conserunt manus , &
cùm barbarus aliquandiu ludificaretur ictus armorum
vnu, & arte qua præcellebat inter suos , ad extremum
Otho mucronem iugulo superne desigit , transfixumq.
resupinat , addit deinde multa vulnera palpitanti, do-
nec omni vitali motu destitutum corpus videret . Fue-
rat Voluci præcipua temperaturæ , & artis galea , cui
pro crista conuolutus in spiras anguis arreptum vor-
bat infantem itaut brachia, & cum ipso capite summa
pectoris eminerent . Hoc sibi victor gestamen addit ,
& vt victoriæ monumentum apud posteros esset , gen-
tilitio suo stemmati nobile inferit simulacrum . Insti-
tutum postea solenne Mediolanensibus mansit, ut quo-
ties ad bella proderent , statuerent ante aciem anguem
effictum coloribus aut metallo , eaq. species non ni-
nore esset cæremonia ac religione , quām quanta suas
aquilas veluti propria legionum numina Romani con-
secrare

S l f f

secreare

sectare soliti fuerant. In hunc modum capta Hierosolyma, cuncta ferme camporum, & urbium Christianus tenebat, gloriaeque immortalis actio comprobata Numinis fauore, palam fecerat, stetisse per segnitiem inertiamque nostram, ne consecratae coelestibus vestigijs terre iugum impuri dominatus tanto antea demeretur. Sed imminuit laetitiam victoris exercitus procerumque Mediolanensis Antistes contracto ex diuturnis laboribus morbo demortuus in ipso pene articulo pulcherrimi triumphi. Apud Constantinopolim multorum tabularium extinguitur, cum daturus provinciae toti leges & instituta catholicum in morem, cunctaque formaturus Ecclesiastico cultu ac disciplina, illuc excurrisset. Fertur, cum sibi adesse finem vel praesagitione caelesti, vel morbi grauescentis indicij animaduertisset, vocata suorum concione, quos ex octo millium numero residuos fecisset bellum, huiuscmodi oratione habuisse. Non mihi lucis amor ante diuinam voluntatem, ut inuitus & cum aliquo respectu mortalium rerum ex hac vita discedam. Illa quin potius laetitia subbit animum, quod liberata vobiscum Hierosolyma veluti puleherimum opus nulla posthac humana culpa violaturus discedo, idque mihi ultimum rerum est, quod votorum primum fuit. Verum angimur quod optimè de nobis meritos ciues relinquimus tam procul ab domo; & quos una cum Pastore suo ire per patria tempora Deo immortali gratias agentes oportebat, hi meisti Pastoris desiderio veluti funestam victoriam reportabant. Plura de extremis loqui eius est qui velit viuere. Viuam autem in memoria pectoribusque vestris, si quales

Ies in hoc bello vos præbuistis, concordia nimirum, & erga duces obsequio, tales eritis, cùm vos patriæ redonauerit Deus, dissidiaq. & rixas pessimum iampridem ciuitatis nostræ venenum non è vestris modò, sed ex reliquorum ciuium animis auferre radicitus conabimini. Iamdiu est, cùm vrbs Mediolanum ciuibus malis agitatur, semperq. aut Pontifex adulterinus, aut ab hoc principio contraria studia, & factiones, & mutuam in necem armatæ nostrorum hominum iræ deformant Ambrosianum nomen, & quæ ciuitas esse finitimis modestiæ ac disciplinæ exéplum debebat, ea potius omnis petulantia est inuitamentum, quām ut ipsius exemplo cæteræ gentes rectè faciant. Nec dubito, quin nostro mox obitu vacua sedes nouas turbas, & noua ciuilium bellorum tentamenta sit excitatura. Proinde vos obtestor per communis patriæ caritatem, per hoc quod procul in sacra terra gessimus bellum, per felicissima rerum exordia, feliciores euentus, vt si tumultus ingruerint, pacis & concordiæ sitis, auctores, & vestro potius iure decedatis, quām temeritatis alienæ comites rem euertatis publicam. Iam vestre virtutis admiratione imbuti ciues expectant liberatores humani generis, vindices terræ in qua fixisse vestigium pars felicitatis fuerit, vñctores belli, quod maiores nostri, omnisq. ante ipsos ætas in votis magis & sermonibus, quān illa in spe, habuere. Erit autoritas & fides, siue monendo & obiurgando, siue nostra quoque monita referendo reuocare à certamine turbidas hominum mentes aggrediemini. Hoc iterum à vobis, & nihil ultra rogaturus peto. Non id præcipuum

S l f f f 2 munus

„ munus est, amicorum, prosequi defunctum ignauo quę
 „ stu, sed quę voluerit meminisse, quę mandauerit, exse-
 „ qui. Iurauere primus quisq. ex illa multitudine, dex-
 „ tram Anselmi contingentes, enixe facturos omnia, vt
 „ Mediolanensis Ecclesiæ quietę ac tranquillę res forent.
 Inde Pontifex, cùm litteras quoq. Mediolanum, & ad
 suos extrema mādata dedisset, pauculis interiectis die-
 bus moritur ingenti luctu, non Mediolanensium mo-
 dò, sed exercitus vniuersi. Tanta illi comitas in om-
 neis, & incorrupta maiestate fuerat mansuetudo. Sed
 Mediolanenses altius mōrebant, & postquam aliquan-
 diu sunt illacrymati defuncti antistitis aduerso casui,
 quo casu patrios extra fines occubuisset, cum eipatria
 debitum omnium consensu triumphum appararet, ad
 sua mox deploranda damna, suasq. illa ex morte ca-
 lamitates auertuntur. Quem enim tām miti ac mo-
 derato recturum imperio rem Ambrosianam? quem
 afflita domi omnia & dissensione ciuali, & diuturna Pa-
 storis absentia recreaturum? Cuius porrò auspicijs
 tantum illud spatium itineris ingrederentur? Quis
 maris infortunia suis precibus amoliretur? Hæc &
 alia, quę suggerebat dolor, vt sunt molles in calamiti-
 tate mortalium animi, pro se quisque velut parente
 destituti Mediolanenses querulis inter se vocibus agi-
 tabant. Sed par fuerit Gothifredo quoque Bolonio
 suum decus atq. gloriam impendi nostris litteris, &
 inclytę principem actionis ad extremum usque pro-
 sequi, quamquam nihil ille ad Mediolanense nomen
 attinuerit. Is vnanime procerum consensu Hierofo-
 lymæ Rex appellatus, munia quidem & curas induit

Regis

Regis quo statum formamq. componeret vniuerlæ pro
vinciæ, cæterùm speciem ac honorem nominis eius vt
admitteret, nullis vñquam rationibus adduci se est pas-
sus. Excelso animo repudiauit, quod facile quilibet
alius per noua bella, & clades appeteret. Tam raræ
moderationis vir, cùm totus iam eset in eo, vt Hiero-
solymitanam rem à barbaricæ consuetudinis moribus
traduceret ad christiana instituta & ritus, daretq. leges
quas illis hominibus esse aptissimas arbitraretur, orta
repente, sicuti credere licet, ex ea colluione, quæ fer-
mè bellum insequitur, pestilentia, ingenti omnium do-
lore moritur. Succeslit ei Balduinus nequaquam pari
erga regium nomen fastidio, isq. primus Hierosolymæ
Rex appellatus. Recepta Hierosolyma, constitutoq.
Regno, cùm variarum gentium exercitus domos reuer-
terentur, Mediolanenses quoque reuenere, nisi si qui
nulla domibona spe, barbara in terra, reliquæ vitæ se-
dem ac domicilium optauissent. Postquam reduces
ad vrbem appropinquauerunt, obuiam effusa ciuitas,
primò ingenti lætitia & gratulatione agmen excipie-
bat; mox comploratio, & meror, ac triste desiderium
subijt, vbi requirentibus suos, funera, & mortes, & que
mortis instar accipiuntur, voluntaria exilia nuntiata
suere. Tunc certamen doloris & lacrymarum edebant
coniuges, matres, alijs quos humanæ vincula societa-
tis, & sua mollitudo faciles in luctum dabat. Etiam,
qui nulla priuatim clade funestam domum haberent
eos aliena damna & clades ad misericordiam alliciebāt,
& ex misericordia par ferme cruciamentum oriebatur.
Ac rursus omnes, qui vereceperant, qui ve desiderabāt,

cara

cara pignora, & sanguinem suum , à propria lætitia ,
 vel mœrore ad publicam Anselmo extincto deflendam
 orbitatem auersi, per dies aliquot mœsto silentio , vel
 ploratibus inquietis egere . Spatium Scilicet illud fuit,
 quo non agendi quicquam , non consultandi, non de-
 cernendi rationem villam inuenirent principes vrbis
 Mediolani , dominaq. Longobardi nominis attonitæ
 similis hæreret . Cùm in hoc statu res Mediolanensium
 essent , Ecclesia sine Pontifice, populus absq. consilio ,
 cuncta obsita solitudine ac squalore qualis captarum
 esse vrbium solet ; tunc Ioannes Rhaudensis, consentaneum
 id authoritati ac prudentiæ suæ munus desum-
 psit sibi , vt consternatas erigeret mentes , atq. luctui
 finem statueret . Is ad circumfusam vndiq. multitudi-
 nem huiuscemodi orationem habuisse fertur . Viri
 „ Mediolanenses . si considerare volumus , quæ fulmina
 „ perculerint hoc Hierosolymitano bello ciuitatem no-
 „ stram , & quām graue damnum sit acceptum, Pontifice
 „ amissio, succisis militiæ neruis , exhausta tot funeribus
 „ Ecclesia, perempta tot clarissimarum domorum Iobo-
 „ le : nullæ lacrimæ, nullus mœror, nulla prorsus lamenta
 „ sufficerint deplorandæ calamitati , ac æternos nobis
 „ esse luctus opportebit , quos tanta iactura publice
 „ priuatimq. iustos facit . Sin & mortalitati quamuis il-
 „ lustrium virorum natura diem vltimum imponit , &
 „ bellum damna sunt inenitabilia , magna nobis ipsa res
 „ præbet solatia , queis & Pontificis desiderium fecerit
 „ constanter publicè omnes , & domesticæ quisq. clādis
 „ abolere memoriam possimus . In ipso laborum, & glo-
 „ riæ termino fortissimus imperator, idem, & sanctissimus

Anti.

Antistes occubuit, ad extreum usque defunctus erga " populares suos omni pastorali munere, & parta victoria, cui posteritas omnis inuidet. Is liberata Hiero- " solyma, rebus humanis est exemptus, tamquam glorio- " facinori Deus illum commodasset, quo patrato & per- " fecto, magnam virtutem repeteret, ac vindicaret in " cælum. Ultimum operum mortalium esse debuit cæ- " lesti viro, quod præclarissimum esset, nec vlla deinceps " humanæ culpæ labe deformandum. Ac lugendi quidé " Episcopis finis hic esto. De cæteris autem, qui belli ca- " sibus intercepti cum tristis nunc recordatione subeunt, " animos, & sensum humanæ caritatis acerbe perstrin- " gunt, sic habetote, violari nimirum, & quasi fœ- " dari vestris lamentis & mœrore virtutem egregiam " qua strenuissimi militum pro Christo dimicantes oc- " cubuere. Iam felices animæ defunctæ mortali hac " vita perennem illam alteram attigerunt, in quam no- " stra omnium vota feruntur. Iam liberatores Hierolo- " lymitanae terræ laureati perfundunt ævo sempiterno, " spectacula cælitum aliorum, decora generis humani, " Numinis deliq; Et erunt adhuc, quos tantis illacri- " mari, atq. ingemiscere suorum bonis iuuet? Recentis " dolori conuenit luctus, & ex mœrore solatia fatemur " scimus, nostrumq. ipsi quodammodo sensum agnoscimus. Nunc ad Reip. curam erigere animos oportet, " & quoniam Episcopi mortales sunt, Ecclesia eternum " manet, quærendus est, qui virtute ac pietate proximus " Anselmo ipsam regat. Simul quoniam non tanta no- " bis priuatim accepta est clades, quantum vniuerso Ca- " tholico nomini ex hac victoria decus, & incrementum " accessit,

„ accessit, Deo immortali ob rem benè gestam honorem
 „ habendum censeo, ut sicuti nostra præcipue virtus, no-
 „ stra arma Hierosolymitanis rebus enituere, sic pietatis
 „ quoque ac religionis exemplum, cæteræ gentes hinc
 „ sumant. Quā pij, qua fortes, merebimur fortasse cæ-
 „ lestem opem, & perire Deus vtiq. populum nolet, qui
 „ virtute in bello, vbi pax euenit, diuino cultu primus
 „ agat. Hæc ab venerandæ authoritatis viro, ingenti
 „ spiritu perorata magnum erigendis popularibus ha-
 „ buere momentum. Simul alij viri graues obeundo pa-
 „ sim domos, vt quæq. carissima capita deplorarent, de-
 „ monstrabant, iniuriam fieri gloriæ fortium virorum si-
 „ muliebribus diutius querelis ac lamentis vrgerentur.
 Illos aut pro Christi nomine dimicantes occubuisse, aut
 „ parta victoria diuinitus ereptos humanis rebus, ne con-
 „ taminarentur ylo mortali iam opere, ac vt protinus
 ad parata præmia transirent. Se quoque, amissis, quos
 vel genere ac sanguine proximos, vel caritate ac amo-
 re præciuos haberent, funestam habere domum, &
 conuenisse recenti cladi luctum, ac ex merore solatia,
 nunc erigendos animos; & grates agendas Numini,
 quod exigua iactura patratum bellum fuerit, quodq.
 ciues optimi debitam naturæ necessitati vitam in tam
 illustri posuerint munere. Ita pleriq. luctum posuere
 durauit alijs mero & desiderium, nec ante sustulerunt
 afflitos animos ad equitatem, quam dies & medela
 cuiuslibet egritudinis obliuio, veniensq. post omnia
 funera lacrymarum finis esset pro lenimine ac solatio.
 Interea tamen Deum ac religionem communiter om-
 nes respexere, yadebantq. Ioannis ductu Mediolanen-

fcs

ses ad præcipue celebritatis templa resolutis in pietatē
animis tam qui desiderabant, quām qui receperant
fratres, aut filios aut propinquos aliae pignora
societatis humanæ. Ad sacri sepulcri nomine incly-
tam ædem præcipua pompa & apparatu supplicatum
iēre. Virorum, & seminarum, & turbæ puerilis agmina
quotidie illuc vadebant, descripta in singulas regio-
nes erant vadendi tempora & vices, cæremoniæ
totius auctor & magister erat idem ille, cuius primū
rationibus & hortatu commota ciuitas ex curis & affli-
ctatione respexerat templa & Deum. Hoc supplica-
tionum initio versi penitus in sacra religionemq. Me-
diolanenses, toti diuinarum rerum erant, ac eo quidem
tempore, quasi remunerante publicam pietatem Deo,
res accidit, quæ præmium simul & incitamentum esset
pietatis. Mariæ Virginis ædes, cui cognomen hodieq.
manet à Porta, siue publico decreto, siue priuato sum-
ptu tunc forte reficiebatur, collapsa nimirum æuo, vel
humiliore forte structura, quām aut magnitudo Diuæ,
aut splendor ipse ciuitatis postularet. Cùm igitur in
eam formam, qua nunc visitur instaurari etur, aperiens
tibus fundamenta fabris, quadratum lateritiæ struc-
ræ septum apparuit, quo reuerenter ac trepide soluto,
ferream arcuam inuenere, vetustis litterarum notis in-
scriptam, quæ titulos reliquiarum amplexè vanescerat
quo. Reserata mox arcuæ cælestes diuitias ostendit;
simul inuictæ tabulæ recenti iam & clariore specie diui-
narum rerum indicem continebant. Fuere autem sacri
lintei portiunctula, quo linteo corpus exangue libera-
toris nostri, postquam è cruce pependerat, est inuolu-

Ttt tum,

tum, fragmina crucis ipsius, cespes, qui manantem & Christi vulneribus ebiberat sanguinem, ossa Casti, & Polinicis, dentes, articuli, & ex aliorum inclita mortaliitate pleraque frusta & segmenta, quae non fuerant descripta, & exsignata nominatim; commune reliquiarum nomen præferebant. Inuenta igitur hæc & in publicum prolatæ, leuamentum & solamen haud exiguum fuere ciuitati, vulgoque sic interpretabantur ac disserebant, cordi nimis adhuc superis esse rem Mediolaneussem, affulsiisse numina dubijs rebus, & quasi pignora hæc publicæ salutis extare, aliaque porro dicebantur, quæ scriptoribus haudquam facilia relatu præsens iuicunditas ac dulcedo subiicit, ubi magnæ ac insperatae res ingenti lætitia mentes hominum occupauere. Iam successerat Anselmo Grossolanus, quem annales alij vietata nominis inconcinnitate Arisolanum, siue Chrysolaum appellare malunt. Is cum emptum ut fama est, grandi pecunie summa Pontificatus haberet, ob eaque rem haud rectis ciuium oculis adspiceretur, conscientia facinoris, & metu periculi trepidus latitabat. Munia Pontificis interim obibant æditui templi maximi, soliti statim in одæo precibus alternare choros, qui nunc ordo nitet purpura, splendoremque vestis æquant titulo. Horum præcipiuus authoritate muneris & vitæ fama, fretri collegio de sacris reliquijs, ac de Numinis clementia, ciuium officio, sic desseruisse fertur. Cælestia munera, magnarum animarum exuicias, & inuicibilares æuo sanctorum artus, semper quidem ego in magno pretio, magnoque honore habendos censui, nec aliunde magis æstimauerim decora temporum & felicitatem,

citatem, quām ex harum rerum prouentu, & cultu, cūm
aut per multum qui abdita & occultata reperiuntur,
aut reperta splendide ac magnifice, religioseq. cele-
brantur. Quippe mortalia hēc diuinitatem spirant,
nosq. ipsi quodammodo subducimur in cēlum, vel con-
templatione sanctorum & aspectu, vel presenti custo-
dia & tutela. Quod si fuit vñquam cur intimis gaudijs
effusaq. gratulatione firmamenta hēc publicē priuatæq.
securitatis acciperentur; hoc illud esse tempus arbi-
tramus. Nam fessi prēteritis instantibusq. malis, quā-
uis ex diuturna veluti iactatione conquiesceremus,
naufragis tamen eramus propiores, desideriumq. Pon-
tificis amissi, profanus Pontifex vsque in desperationē
vṛgebat, & noua calamitatum series nascebatur, cūm
benigna hēc & salutaria sydera rebus nostris apparue-
re. Nec ego casum, & fortē & fortunam hanc ap-
pellauerim, sed numen & prouidentiam, & munus eter-
næ benignitatis. Sēpe maiores nostri, prosperis quoq.
rebus & florentissima ciuitate, cūm sanctorum reli-
quias inuenissent; more triumphantia duxere pom-
pam, & veluti parta victoria, lātitiam celebrauere; A
nobis igitur exiguntur tantō plura & ampliora, quantō
magis languentes & afflīti huiusmodi subſidijs indige-
bamus. Segnities, & probrum, & ingrati animi vitium
fuerit tanta munera transmisso silencio, nec ullum de-
scendentī tamquam in nostra commercia cēlo plau-
sum dedisse. Exsequendo inde cætera summus ordi-
nis, facile collegas in eam sententiam adduxit, vt fa-
cias reliquijs accumularent, quicquid honorum & cele-
britatis, aut veteres vñquam adhibuissent, aut nouis

Tttt 2 homi-

hominum ingenij & solertia posset excogitari. Primum omnium, institutum, ut reliquiaria theca statim diebus per urbem apparatu quam ornatissimo portaretur, antistites ipsi succollarent, sternentur floribus viæ, textilia parietibus intenderentur, festo pulsu personarent aera campana, musici choros alternarent, hos dies festos ac geniales populus Mediolanensis haberet. Ipsum quoque celebritatis huiusce diem græca plaudentes voce diem αριος appellauere, eamq. vocem tota passim urbe agmina supplicantum ingemina bant. Ac sacer ordo quidem hæc & alia decreuit, tabulasq. decreti grauissimi scriptores vidisse testantur. At cæteri magistratus, in quorum manu tūm res erat publica, nō secus atq. certamine quodam indicto, vim vniuersam suæ potestatis ad augendam triumphi maiestatem contulere. Reuocati in patriam exules, remissa tributa, iustitiae nundinæ, dempta captiuis vincula, carcer apertus, ludi, coniuicia, saltationes, ac ex vetere memoria repetita liberalitate, positus in propatulo rerum omnium usus, ac deniq. nulla res omisssæ, quæ foret effusæ gratulationis, & lætitia. Per eam lætitiam inducias quoq. pepigere cum hostibus, ac præcipue cum Laudeñi nomine, quæ tunc forte ciuitas ad excidium petebatur. Ita Mediolanenses hoc tempore pace superum impetrata, compositisq. dissidijs, quæ serere ac alere amat humanum genus, tantam usurpare tranquillitatem incipiebant, quantam haud ferme alias habuissent. Sed quominus ea sincera ac solida tranquillitas esset, una res adhuc efficiebat, quod Pontifex adulterinus occupata verius & impedita sede, quā possessa

possessa vel impleta, neq. regebat ipse sacra & Ecclesiam, neq. eligi rectorem patiebatur. Grossolanus reliqua sicuti demonstratum est urbe, petitaq. ad voluntariū exilium longinqui ruris latebra, luxu tantum, & superbia Pontificem agebat. Vulgo ipsum omnes contumelioso nomine Simoniacū appellabant, nimirū ab auctore sacrilegi mercatus atq. nundinarum Simone, quē omnis ætas, & detestabitur semper, et colet. Tunc habebat Romana sacra Paschalis imperij sanctissimi vir, cū pidus emendandi generis humani, specimen vnicū apostolicæ seueritatis, quæ a Petro & Lino per aliquot secula propagata in successores, humanis tentari moribus incipiebat. Itaq. principes Vrbis Mediolani communicatis inter se consilijs haud irritam sub tali Pontifice foreactionem rati, depellere sacri honoris fastigio Grossolanum statuerunt, id facile successurū, si tantum crimen ipsum ambitus, quo grassatus fuerit, demonstretur apud eum, qui omne malū exemplū ex Ecclesia sublatum velit. In ea rem legati decernuntur, ut quisq. maxime detestatione flagitij, vel promptū ob ingeniu de-ferendæ ciuitatis que elē maxime idoneus haberetur. Profecta Romam legatio, postquam Mediolanenses esse viros, & quid petentes venissent, aperiuerent, sine mora ad Pascalem introducti audiuntur clementer ac benigne, sicut & mansuetudo principis, & dignitas ipsorum postulabat. Summa fuit. Urbem Mediolanum, perdiu iam, quā discordijs intestinis, quā bellis externis per omnia incommoda calamitatesq. volutatam prope ad ultimum reū venisse, nec ullam esse miserrimę, ac perditę ciuitatis cladem, cuius exempla memorare nō pos-
sint

sint vastatos agros, incensas villas, direptam urbem, ac nouissime Hierosolymitana expeditione nobilium familiarum heredes, floremq. iuuentutis amissum esse, quodq. super omnia lugendum putent, Parentem Ambrosiani nominis Anselmum, cum belli pericula euasisset, peremptum morbo lacerandam Ecclesiam reliquisse ambitioni & avaritiæ & temeritati. Grossolanum esse quendam, quem suum perhibere ciuem erubescant; at tamen in omni terra nasci prauos homines ac turbulentos, neq. flagitia priuatorum à rectis æstimatoribus in dedecus trahi gentis vniuersæ. Hunc nulla diuinarum rerum peritia, nullo dato in imis documento, auro, & muneribus flagitiorum omnium administris tetendisse, locum, ut eum occuparet, quem spectatæ sanctitatis ac doctrinæ viri soliti fuerint obtinere. Nec inanes fuisse perditi hominis conatus, & siue mortalium scelere, siue Numinis erga rem Mediolanensem, ira, titulo tenus inuasisse pontificatum Ambrosianum, eiusq. nominis insignia, & maiestatem circumdedisse sibi. Quia tamen conscientiæ stimulis agitur, neq. committere se se in publicum audeat, secessisse in obscura loca procul ab urbe, nihil sacræ rei, nihil publici muneris attingentem. Ac ipsum quidem rectè fecisse, quod ciuitatem exonerauerit, neq. locum dederit facinori, ad qd facile transilitur ab ira & desperatione; cæterum Ecclesiam legitimo Pastore destitutam iacere in sordibus & squatore, insuperq. teneri vinculis implicatā, vrgente Grossolanō, & Pontificatu, quē pecuniasit adeptus, vindicante impetu, & instigatu, & libidine. Turbidos infensosq. ciues fortasse monstrum illud è Rep. sublaturos fuisse,

fce-

seclereq. scelus amoturos, sed vicos precibus, & consensu meliorum, ne qualicunq. pereimpto antistite nocentiorem urbem facerent. Hæc adhuc in animis illa verba optimi pastoris Anselmi, cùm apud Byzantium, supremis appropinquans, vocata concione, paternis obtestaretur monitis, ne curam publicæ pacis & quietis unquam ex animis omitterent. Ea scilicet recordatione militares viros attineri. Nunc se publico decreto missos, obsecrare Christi Vicarium, uti consulat afflictis rebus urbis Mediolani, ne ue deesse caput patetur genti, quæ ipsa moderatrix & domina tot gentium antiquitus instituta maximi regiminis gloriam in hæc usq. tempora perpetuo tenore continuarit. Has Mediolanensis Reip. preces, hanc summam legationis adferre. Miti sicuti diximus ingenio Pascalis erat, eaq. cura Pontifici viuebat in pectore, ut vitia, et corruptelas, quæ varietate temporum, in Ecclesiam irrepsissent, tolleret, ac sanaret. Tantò acerbius tulit, Metropolim Ambrosianam, quæ esse disciplinæ norma, ac exemplum deberet, agitari turbis, prædam insanæ cupiditati, & ambitioni. Legatis breue responsum dat; curæ sibi rem Mediolanensem fore, irent, ac læta omnia domum renunciarent. Auersus inde ad circumspicienda remedia, quibus id sanare malū posset, quamvis authoritas imperij summi, rationes alias vindicadæ prauitatis daret, ipsaq. criminatio manifestior esset, quam ut ambigendi locus relinqueretur; insita benignitate tamen faciendum prætavit, ut ipsū quoq. Grossolanū audiret. Reus enim verò citatus Romam in iudicium, post dies aliquot moritur, neq. absuit suspicio, quin ipse sibi veneno mortem conscius-

sciuisse; plures senio, & mœrore confectum tradidere. Situs est in æde beati martyris Sebastiani, nequaquam ea publica detestatione quam pessimis moribus meruerat. Cupidine honoris, humani animi morbo lapsum reputabant, & versa in mansuetudinem ira, quem oderant, miserabantur. Hoc tempore Mediolani forte excitatum incendium prope urbem hausit ac delevit, alias quoq. simili tentatam clade, sed nequaquam pari strage vel damno. Tabernæ aliquæ refertæ mercibus, quibus alitur ignis, concepta repente flama cum arsisset, per continentia tecta transmisere contagionem, & cum ad extinguendum vndiq. cōsurgeretur, omni iam humana ope & concursu validior ignis erat. Itaq. multi mortales perempti, variaeq. inde & oppidò misericordæ lethi facies traduntur. Alij gratissima quiete demersi non prius exitium sensere, quam vrens in vicino flamma calore tentaret artus. Tunc exilentes propriientesq. se se fumus & vapor, & conflagrantia circum omnia teterrime inuolebant. Alios illapsa tigna & trabes, & ipsa propè tecta sopitos & nihil ferme sentientes oppresserunt. Nonnulli etiam ystulato, ac dehiscente pavimento præcipitauere cum ipsis lectulis in ædium ima. Plures, dum portant aut affundunt aquam, dumque carissima quæq. subducere in tutum conantur, absumenti triduum. ferè clades atrocissima tenuit, quo spatio exacto, reliquæ fumantis ac semirutæ urbis tristi asperitu superstites confudere passim cadavera, & laceratis atq. deustis artubus flebili comploratione quirantes qui exigua in spe trahebant animam; passim ex ipsa mortuorum strage, vel ex congestu fragminum, accæ-

men-

mentorum motantes aliqui brachia & crura miserabilior vtiq. turba, quam quos repentini casus exemerant vitæ pñnis. Eodem incendio sacræ ædes conflagraru, idq. inæstimabile damnum fuit, omni corrupta mysteriorum supellectile & apparatu, quem longa opulenta congregaserat ciuitas haud vñquam vlli chri-

stianarum gentium inferior pietate, ac religione. Vasa auro argentoque solidali-
ques facta ad informe metallum,
pretiosa textilia, mappæ,
tabulæ pictiles &

mille ferè

annorum dona tam exiguo tempore reda-

cta in cinerem, &
fauillam.

R I N I S.



Vnnn